

# Arctic Circle Road aqqutigalugu takornarialerinerup ineriartortinneqarnissaa

Sisimiut

Kangerlussuaq



# Imarisai

- 4 **Eqikkaaneq**
- 6 **Arctic Circle Trail**
- 8 **Arctic Circle Race**
- 10 **Sermersuarmut aqqusineq**
- 12 **Sisimiuni talittarfik kangerlussuarmilu umiarsualivik**
- 14 **UNESCO-p nunarsuarmioqatigiinnut kingornussassanngortitaa**
- 16 **Ingerlatanut ataasiakkaanut takornarialerinermi immikkut akuersissutit**
- 18 **Takornarialerinermi ataatsimoorussamik suliniummut akuersissutit**
- 20 **Silap pissusianik ilisimatusarneq, issittumilu misileraanerit**
- 22 **Qeqqata Kommuniani Kalaallit Nunaannilu takornarissat**
- 24 **Qeqqata Kommuniani ukioq kaajallallugu takornarialerineq**
- 26 **Arctic Circle Road allannguisutut**
- 28 **Takornarialerisut namminersortut Arctic Circle Road-imi unnuiffissanut aningaasaliinerat**
- 30 **Arctic Circle Road-imi takornariaqarneq**
- 32 **Inuiaqatigiit aningaasaqarnerannut sunniutaasinnaasut**
- 34 **Arctic Circle Road misissueqqissaarinerillu allat**
- 35 **Missingersuutitigut pisortanut kingunissai**
- 36 **A/S Arctic Circle Traffic**
- 38 **Suleqatigiinnikkut ineriartortitsineq, siunissamullu ungasinnerusumut pilersaaruserneq**

**Turismeudvikling igennem Arctic Circle Road**  
Redaktor Qeqqata kommunia & Arctic Circle Business (ACB)  
Ilusilersuisut | Layout ReneDesign  
Assit | Foto Qeqqata kommunia  
Naqiterneqarfia | Tryk Nuuk Offset  
© 2019 qeqqata

Saqqummiisoq | Udgivet af Qeqqata Kommunia & ACB  
Makkorsip Aqq. 2 – Box 1014 – 3911 Sisimiut

Hvis ikke andet er nævnt er alle fotos taget af personale eller fra Visit Greenland/ACB fotosamlinger. Kopiering fra denne Rapport tekst eller fotos må kun finde sted efter aftale med Qeqqata Kommunia.





# Eqikkaaneq

Kangerlussuup Sisimiullu akornanni takornarialerineq, Destination Arctic Circle-mi inuutissarsiutillit aamma Qeqqata Kommunua ukiuni kingullerni 25-ni ineriartortippaat, ingerlappaat, naatsorsuutigalugulu iluatsissasoq. Agguataarineq imaannikuvoq, kommuni akulikitsumik Namminersorlutik Oqartussanik suleqateqartuni sinaakkusiarsimasoq. Najukkami inuutissarsiutillit, kajumissutisiminnik suleqatigiiffiit innuttaasullu kiisalu avataani suleqatigisat suleqatigalugit, Kalaallit Nunaanni innuttaasunut, nunarsuatsinniillu Kalaallit Nunaannut tikittartunut nuannaarutaasumik takornarialerinerneq ineriartortitsinerminni, ataatsimoorussamillu aaqqissuussinerminni sinaakkutit taakku atorluartarpaat.



Nunap immikkoortortaani suliniarneq takornarialeriniikkut ussasaaruteqartarnikkullu, soorlu

- » Arctic Circle Trail
- » Arctic Circle Race
- » Sermersuarmut aqut
- » Polar Circle Maraton
- » Sisimiuni talittarfik nutaaq
- » UNESCO-p nunarsuarmioqatigiinnut kingornussassanngortitaa
- » Aasivissuit-Nipisat aamma eqalunniartitsinermut tammajuitsussarsisitiarluni pinia-riartitsisarnernut akuersissutit eqqarsaatigalugit annertuumik iluatsisivisarpoq.

Ataavartumik suliniutissat nutaat ineriartortinneqartuarnissaat sulissutigineqartuaput, soorlu

- » Kangerlussuarmi umiarsualivik nutaaq
- » Aqutikitsumi sermersuarmi takornarialeralunilu uumasuuseqarnissamik suliniutimut atatillugu nunamik immikkut atuisinnaanermut akuersissut
- » issittumi misileraavissaq, pilerinartullu nutaat soorlu Sisimiuni qaarsuup iluani naluttarfik.

Suliniuterpaaluit taakku nunap immikkoortortaani ukioq kaajallallugu takornarialerisinnaanermut tunngavissiiptut, tamannalu tunngavigalugu najukkami takornarialerillutik suliffeqarfiit minnerusut takornarialerinerneq ukioq kaajallallugu suliffinnik pilersitsisnaalersimallutik.

*Takornarialerinerneq ukioq kaajallallugu suliffiit Kalaallit Nunaanni amigaataapput, matumanilu nunap immikkoortortarpaalui aasaanerani qaammatini marlunni-pingasuni takornarialerinerup nalaani avataanit tikisitsillutit sulisoqartarlutik.*

Arctic Circle Road-ip pilersinneqarnissaata iluatsinnissaanut, takornarialerinerup ineriartortinneqarnera tunngavissiiptut. Arctic Circle Road-ip Kalaallit Nunaanni nunatarujussuaq ammaassavaa, aqquinerlu ingerlaarfialugulu misigisassarpassuarnik misigittissalluni. Nunarsuup sinnera assigalugu, nunatarpasuit takusassarpassuillu nalinginnaasumik tikikkuminaatsut Arctic Circle Road-ip tikisinnaaalersissavaa. Nunarsuatsinni takornarialerinerup ineriartortinneqarnissaani aqquserngit pingaaruteqarsimapput, Kangerlussuarmilu Sermersuarmut aqquusineqalernikkut Kangerlussuaq Kalaallit Nunaanni takornarialerinerneqarnerpaat aappaattut inissimalernikuvoq. Arctic Circle Road sinerlugu unnuisarfinnik, illuaraqarfinnik, lodges-inik (unnuisarfinnik), illuqqaniillu sanaartortitsinissamut, najukkami suliffeqarfiit annertuumik aningaasaliinissaminnut piareersimapput.



Arctic Circle Road Kangerlussuup siunissaanut isumannaarinnissaaq, taamaalillunilu Kangerlussuarmi unnuisarfinnut aningaasaliinissamut tunngavissiiptut.

Amerikkarmiut sakkutooqarfiata 1992-imi matuneqarnerata kingorna Kangerlussuup siunissaa pillugu nalornissuteqarnerup kingunerisaanik, unnuisarfinnik nutaanik sanaartortitsinissaq kikkut tamat merserisimavaat. Kangerlussuarmi akikitsunik unnuisarfinnik vandrejhemminik pilersitsinikuupput, tamannalu nunap sinnerani unnuisarfinnut ajorluartumik naapertuugani, taamaattumillu nunami takornarialerinerneq ataqatigiissitsilernani.

Kalaallit Nunaanni sumiiffiit marluk akornanni akikitsumik angalasinnaalernissaq Arctic Circle Road-ip aamma kingunerissavaa. Tamatumaa kingunerisaanik Kalaallit Nunaanni takornariaaneq akikinnerungaat-sialissaq, Kalaallit Nunaannullu takornariarussuttunut amerlisaataassalluni. Assigiinngisitaarnerusumik aamma attaveqatigiilersitsissaaq, taamaalilluni takornariarussat nunakkut, imaatigut silaannakkullu "the Golden Circle of Greenland" (Kangerlussuaq-Sisimiut-Ilulissat) misigisaqarfialugulu angalaarfisinnalissavaat. Nunap immikkoortortaani takornarialerinerneq ineriartortitsiuarneq, Arctic Circle Road-imilu takornariartut annertuumik amerlippatata, nunap sinnerani immikkoortortani takornariartarfinnut sunniivigeqatigiissitsilissaaq.

Destination Arctic Circle-mi ukioq kaajallallugu takornariartartut, ukiup qanoq ilinera apeqquataatinnagu Ilulissani Nunatta Kujataanilu UNESCO-p nunarsuarmioqatigiinnut kingornussassanngortitaanun ingerlaqqittassapput. UNESCO-p nunarsuarmioqatigiinnut kingornussassanngortitaasa akornani nunap immikkoortortaani takornarialerinerneq aamma ineriartortinneqarsinnaalissapput, soorlutaaq sulinerminnut atatillugu, ilaqtaminnullu tikeraarlutik ullutsinni Nuummuk tikittartut pitsaaneruseq atugaqalissasut. Takornariarussat Arctic Circle Road-imi takornariareertillutik allatigut misigisaqarnissaminnik kissaatteqassappata, Aasiaat Maniitsorlu takornariartarfittut ineriartortinneqarsinnaallu-nerulissapput. Mittarfii amerlillugit, nunattalu avataanit timmisartuussisarnerit amerlillugit mit-tarfii nutaamik aaqqissuuteqqinneqarnerisigut, Kangerlussuakkoorialutik Ilulissakkut Nuukkullu anglerlamut aallartarlutik Kalaallit Nunaannut takornariartartunut amerlisaataassaaq.

Inuiaqatigiit aningaasaqarnerinut Arctic Circle Road imminut akilersinnaassaaq, taamaallaallu ukiut 11-14-it ingerlareernerini inuiaqatigiinnut iluanaarutaalissalluni. Arctic Circle Road takornarialerinerneq suliffeqarfinnik pilersitsissaaq, tamannalu mittarfinnut pisiassanullu akitsuutit nunatta karsianut tuttarut annertusinissaat ilanngullugit, ukiumut minnerpaamik 54 mio. ko-

ruunit akileraarutitigut pisortat isertittassallugit. Missingersuutit eqqarsaatigalugit pisortat Arctic Circle Road-imut aningaasaliippata tamanna aamma imminut akilersinnaassaaq. Taamaalilluni Arctic Circle Road-i pilersinneqarpat, Arctic Circle Road-illu sanaartorneqarnissaani ingerlanneqarnissaanilu agguaassinissamut najoqqutassiassamik Namminersorlutik Oqartussat Qeqqata Kommunialu isumaqatigiissinnaappata, Namminersorlutik Oqartussanut Qeqqata Kommunianullu imminut akilersinnaassaaq.

Isertitat Namminersorlutik Oqartussat Qeqqata Kommuniatalu akornanni agguataarneqarnissaani, Kangerlussuarmi Mittarfik Qeqqata Kommunianilu attaveqatigiinnermut tunngasut allat Namminersorlutik Oqartussat akisussaaffisa iluaniinnassanersut imaluunniit tamakkiisumik ilaannakortumilluunniit Qeqqata Kommunianut tunniunneqassanersut apeqquataassaaq. Nunap immikkoortortaani angallannerneq attaveqatiniq piginnittussaalluni, sanaartortussaalluni ingerlatsisussaallunilu aktianik ingerlatseqatigiik A/S Arctic Circle Traffic-i pilersinniarlugu, Qeqqata Kommunalbestyrelsiata aalajangernikuuaa. Kangerlussuarmi Mit-tarfiup tiguneqarnissaa qulakkeerneqarnissaalu, Arctic Circle Road-illu sanaartorneqarnissaa sallinneqarput.





# Arctic Circle Trail

Kangerlussuup Sisimiullu akornanni 160 km-inik takitigaluni Arctic Circle Trail ukialuinnaat ingerlanerini, Issittumi pisulluni takornariartarfittut soqutigineqarlualersimavoq. Pisullutik takornariartartut annertuumik amerliartorput, 2018-imilu 1.500-inik amerlanerullutik. Arctic Circle Trail kisiat pillugu atuakkat ilitsersuutit tuluttut tyskissullu saqqummersinneqarnikuupput. Nunani allani tusagassiuutit, pisuffik nuannaarutaasumik Arktis' Camino-mik taasarpaat.

Oqaluttuassarpassuarnut soqutiginarluinnartunut Arctic Circle Trail sinaakkutaavoq. Internationale bank HSBC-mi sulisut 100-t, pisuffimmi 100 km-inik takitigisumi 2018-imi pisupput. HSBC Arctic Challenge 2018-ip ingerlanneqarnerani sapaatip akunnera Kalaallit Nunaanniiffiuvoq, tassanilu ulloq ataaseq atorlugu Kangerlussuarmi Sermersuamukarput, ulluni tallimani Arctic Circle Trail-ikkut pisupput, ullorlu ataaseq Sisimiuniillutik. Pisulluni takornariarnermik nuannarisalik tyskeq, ukiut qulit kingullit ukiut tamaasa Arctic Circle Trail-ikkut pisuttarpoq.

Siunissamat ungasinnerusumut takornarialerinerup ineriartortinneqarnissaanut inuutissarsiutillit kommunillu ilisimaaralugu misiliinerinut, Arctic Circle Trail aamma oqaluttuassartariva. Najukkami innuttaasunut takornarissanullu neqeroorutaallutik, 1990-ikkut aallartisimalernerani Arctic Circle Trail-imi illuaqqat mikinerusut arfinillit sanaartorneqarput.

Ukiuluit qaangiummata Private Sisimiut Tourism Amitsorsuup kitaa-tungaani qajariartarfimmik (kanocenter) 300 m2-imik illutalerlugu pilersissallugu misilippaat. 2000-ikkunni aqqu inussunnik nalunaaqutserneqarpoq, kommunilu Innajuattumi Itinnermilu illuaqqanik anginerusunik marlunnik sanaartortissilluni.

Illuaqqat taakku anginerumaat qimussertartunut, ujakkaartartunut, kingullertigullu sikkiliniik issusuunik assakaasulinnik (fatbike) sikkilertartunut ukiuunerani pitsaasunik atugassaqartisilerlutik. Qimussit, ujakkaartartut sikkilertartullu ukiuunerani ulluni pingasuni aqqukkut ingerlaartarnerminni marloriarlutik unnuisarnisaanni, qajariartarfimmi Innajuattumilu illuaqqat inissisimalluarput. Qimussit sukkanerusut ullut marluk aqqukkut ingerlaartarnerminni ataasiarlutik unnuinissaminni Itinnermi illuaqqat unnuiffigisarpaat.

Arctic Circle Trail-ikkut sikkilersinnaaneq takornarialerisut ilisimaaralugu misilippaat. Sermersuarmi mountainbike-nik sikkilersinnaanerup pilersaarutigineqarnissaa pillugu, Destination Arctic Circle 2012-imi Red Bull-imik tjekkiamiumillu Petr Kraus-imik suleqateqalerpoq. Arctic Circle Trail aqquqitigalugu Sermersuarmut Ikersuaq Davids-imut sikkiliniik aputikkoorutiniik sikkilersinnaanermik, 2014-imiilli Hotel Sisimiut Sirius Greenland suleqatigalugu aqqissuussisarpoq.

2016-imi Chris MacDonald U-turn-imik aqqissuussinnermini naggataarutit sukortut Arctic Circle Trail-ikkut qimussaqatigai. Tamanna pillugu DR-imi isiginnaartoqarluarnerani Kalaallit Nunaat nalilerneqarsinnaangilluinnartumik eqqartorneqarluarpoq. Ukiuootumik

aqqissuussinnermi Arctic Circle Trail-ip atorneqartarnissaa pillugu suliniutit nutaat, matumani ukiuootumik arpatsisarnissaaq, issittumilu triatlon-ertitsarnissaaq ilanngullugit suliarineqaleruttorput.



Manna tikillugu Arctic Circle Trail-ip pingaarnertut aqquqitigineqartartoq Sarfannuguit avanna-tungaani Nerumakkoorpoq, Sarfannugillu tungaanut aqquqit aqquqitigineqarparneq ajortup ilisarimaneeqarnerulernissaa sulissutigineqarpoq. Taamaalluni 2000-ikkut naalernerani Sarfannuguit avannanut kangiatungaani pisuttartunut illuaqqiortoqarpoq. Ilutigalugu Sarfannuguit avannamut kitaatungaani Utoqqarni piniartunut illuaqqat, piniartunut pisuttunullu ataatsimoorussamik illuarannortinneqarluni. Sarfannuguit tungaanut aqquq 2017-18-imi inussulianik ilisarnaasersorneqarpoq, Arctic Circle Business-illu nunaqarfimmi takornariaqarneq pillugu workshop-ertitsinera ilutigalugu Sarfannugani oqquisarfik sanaartorneqaleruttorluni.

Illuaqqanik ingerlatsineq kommunimit akilernerqartarpoq. Illuaqqat taakku anginerit pingasut illup iluani perusuersartarfeqarput, minnerillu arfineq-pingasut perusuersartarfeqaratik. Arctic Circle Trail-ikkoolutik pisullutik takornariartartut annertuumik amerlinerat avatangiisitigut unammillernartoqartisilerput, taamaattumilu illuaqqat eqqaanni illuaqqaniluunniit anartarfinnik annanut katersusivittalinnik pisiarnissamat kommuni aningaasaliisuteqarnikuulluni.



**Aappalaartoq = Massakut Arctic Circle Trail-iusoq**  
**Sungaartoq = Arctic Circle Trail-issaq**



# Arctic Circle Race

*Arctic Circle Race nunarsuarmi ujakkaarnermi sakkortunersaraat, nunarsuarmilu timersuutini arlariarluni unammillernarnerpaat qulit akornanniinnikuullun.*

Arctic Circle Race aamma ilisarnaataavoq. Nunarsuatsinniit tamaniit ujakkaartartut peqataanikuupput. Nunani assigiinngitsuni tusagassiuitit soorlu tuluit nunaanni BBC, Tyskland-imi ZDF immiussiartortitsilutik Sisimiuliartitsinikuupput, ujakkaarnerlu pillugu sivilisulaartunik aallakaatsitsinikuullutik. Ujakkaartarnermi tusaamaneqarluartut soorlu Bjørn Dahli Thomas Alsgaard-ilu kiisalu Vasalop-imi ajugaanikorpasuit peqataanikuupput. Kunngissaq Frederik, timersornermillu aallutaqarluartartorpasuit sapiingarlutik peqataanikuupput.

Arctic Circle Race 1990-ikkut qiteqqusimalernerani Sisimiuni sisorartarnermik aallutaqartartunit inuutissarsiutillinniillu aallarnisarneqarpoq. Suleqatigiit OL-imut peqataanikumik Michael Binzer-imik Visit Greenland-imillu taamani suleqateqarput.

Siullermik Kangerlussuarmut Sisimiunut Arctic Circle Trail-ikkut 160 km-inik isorartutigisumi ujakkaartitsiniarlutik naatsorsuutigivaat. Amitsorsuarmi Innajuattumilu illuaqqat tupernik ilallugit ujakkaartunit,



Arctic Circle Race-p siunissami najoqqutassaa ukiup tulluissaani 1997-imi piareerpoq. Sisimiut aallaavigalugu ujakkaartitsinermut peqataasut, ukiopassuarni tusaamasaalluni ACR-ip Innajuattumi tupeqarfianut, tallimangornikkut Innajuattup tungaanut ujakkarput. Arfininngornermi Kangerlussuup tungaanut aqquataa affaa tikillugu ujakkaariarlutik, ACR-ip tupeqarfianut utertarput. ACR-ip tupeqarfiani marloriarlutik unneriarlutik sapaammi Sisimiunut utertarput. Ukiuni 22-ni ACR-ertoqartarnerani ACR-ip tupeqarfia sumiiffinnut assigiinngitsunut nuunneqartarpoq. Oqaluttuaq nammineq kajumissutsiminnik suleqataasunit, najukkamilu najugaqartut nunarsuarmilu ujakkaartartut naapittarnerinit kiisalu minnerunngitsumik ilungersorluni sulinermik sunniuteqartoq. 160 km-inik ujakkaartunit, aammali ujakkaartitsinissap pilersaarusiorneqarnissaanut, tupeqarfiup napparnissaanut poortorneqarnissaanullu nammineq kajumissutsiminnik suleqataasunit. Unammillernartoq ukiut ingerlanerini silap allanngorneranin unammillerneqarsimasoq, aputikisaarneratigullu illiniliornissamat ACR-illu tupeqarfia inissinnissaanut kiisalu minnerunngitsumik anorersuup tupeqarfimmik aseruisimneratigut ilungersuutitsisimasoq.

Illiniliornissamat assartuinnissamullu Arctic Circle Race ukiut ingerlanerini kommunimit 1/2 mio. koruuninik tapiiffigineqartarpoq. Najukkami inuutissarsiutillit aningaasatigut atorutugullu tapiissuteqartarnermik sinnerinut qulakkeerinittarput. Peqataasartut 100-220-t akornanniittarput. Arlallit ukiut tamaasa, ukialunnilluunniit akunnilerlugu peqataajartoqqittarput. Tyskeq Klavs Jechel 13-eriarluni peqataanikuuvoq.

Amerliartuinnartut Arctic Circle Race-mut peqataanermikkut Arctic Circle Trail-imik ilisimannilerartarput, taamaattumillu peqataasimasut aasaanerani takkuteqqittarput, taamaannikkaangallu Arctic Circle Race-mut peqataanerminnut atatillugu Kangerlussuup Sisimiullu akornanni ujakkaartarlutik. Mike Fencer Thomsen 2018-imi Kangerlussuup Sisimiullu akornanni 160 km-inik isorartutigisumi ujakkaariarluni, ulloq ataaseq qasuersaariarluni Arctic Circle Race-mi 160 km-inik ujakkaarpoq.



**Ammalortoq = Campit sumiiffigisimasai**  
**Titarneq = 2018-imi ACR-ertoqarnerani aqqu**

**Start & Slut**  
 Sisimiut





# Sermersuarmut aqqusineq

Amerikkarmiut illersornissaqarfiata 1941-mit 1992 tikillugu Kangerlussuarmi sakkutooqarfeqarnerminni, Kangerlussuarmut Russels gletsjer-imi Sermersuup tungaanut aqqusiornikuupput. Amerikkarmiut saku-tooqarfiata matuneqarneratigut aqqusiaq najukkami najugalinnut takornarissanullu atugassanngorlugu piginnarneqarpoq.

1999-imi tyskit VW-nik folkevogn-iliortartut Kangerlussuarmut Sermersuarmi Point 660-ip tungaanut aqqusinniorput. Taamaalilluni aqqusiaqqaq Russels gletsjer-ip tungaanut kilometerit siullit 20-t pitsanngorsarneqarput, Point 660-illu tungaanut 15 kilometerinik tallineqarluni. VW-p 1999-imit 2004 tikillugu biilinit misileraavimmik Aurora-mik ingerlatsinerminni, aqqusiani nangillugu sermersuarmi ilummut 120 kilometerinik takigisumik aqqusiorput. Sermersuarmi nikerartuatumu aqquserngup iluarsartuunneqarnera akisuallaartaqimmat, VW-p biiliniq misileraavitsik 2004 taamaatippaat. Sermersuup tungaanut aqqusinermut akissaaftik kommunip tiguaa, 2004-miillu najukkami takornarialerisut suleqatigalugit aqqusinermik ingerlatsineq isumagisaralugu.

Sermersuup tungaanut aqqusineq Kangerlussuarmi takornarianit ornigarneqarnerpaavoq, matumanimi takornarissat ukiut tamaasa 15.000-ini amerlanerusut immikkuullarilluinnartumik aqqusineq misigisaqarfisarmassuk. Russels gletsjer-imi sermersuup iigartarfissua 70 meterinik iigaqartoq, sermersuullu ilanngarpaluttarnera nipitoorujussuarmik tusaaneqarsinnaasarluni misigineqarsinnaavoq. Point 660-imi Sermersuarmi angalaarujortoqarsinnaavoq,

tupeqarfinniluunniit unnuisoqarsinnaalluni. Russels gletsjer-ip Point 660-illu akornanni taak-kunani 15 km-ini sermersuup aakkiartornera, quppai, iigartarsui qaarsunut tunngasut, kuuit tatsillu misigineqarsinnaapput.

2001-imiilli Polar Circle Maraton-ertitsarnini Sermersuarmut aqqusineq aqquutigineqartarpoq. Oktobarip qaammataani maraton-i aallarnerlugu Sermersuarmi Poit 660-imi kaajallaasoqartarpoq, kingornalu Sermersuarmut aqqusinikkoorlutik Kangerlussuarmut apuukkiartortarlutik. Peqataasut amerlanerpaagaangamik 200-sarput, taakkunanngalu 95 %-ii nunatta avataaneersuusarlutik.

Kommuni ukiuni kingullerni sermersuarmi unnuisarfissanut, illuaraqarfissanut kiisalu takornarialerisunut najukkamilu najalinnut illuqqiorfissanik immikkoortitsinikuvoq. Point 660-ip ungasinngisaani Isunnguata tasiata eqqaanni Albatros illuaraqarfissaliornissaminut nunaminertamik atugassinneqarpoq. Tatsit allat assigalugit sermersuarmi tatsip ilaatigut nuna-mik killeqartarnera, aammali tatsip ilaa Sermersuarmut killeqartarnera ilisarnaatigaa. Taakku Sermersuup sinaanut immikkuullarilluinnartumik isikkiveqartitsisarput.


Russels gletsjer-imi nunaminertat:

- » unnuisarfinnut
- » illuaraqarfissanut
- » kiisalu takornarissanut
- » najukkami najugalinnut
- » ilisimatusartunullu illuqqiorfissatut immikkoortinneqarput.

Sugarloaf-ip tunuatungaani qorlortup nalaq aamma taamatulli pilersaarutiginerpoq. Sugarloaf-ip akiatungaani aqqusineq sinerlugu taamaallaat illuqqiorfoqarsinnaassaaq. Takornarissat takusassaqqissunut soorlu qorlortumut, sermersuarmi qoorunik, sermersuarmilu angalanerit misigisinnaaniassamatigut, Russels gletsjer-ip eqqaani takinngitsunik pingasunik ikaartarfiliisoqassasoq pilersaarutiginerpoq.



Kangerlussuarmi takornarialerisut busserpaalunnik, angallatinillu soqutiginarlunnartunik sermersualiaatissatut tikisitsinikuupput. Umiarsuarmut takornariartaatinut ilaallutik takornariartartut paarlaannerinut atatillugu bussit umiarsualivimmut nunaqarfimmullu angallassinernut kiisalu umimmannik assiliiniartunik tatsimullu angallassinernut aamma atorneqartarmata, takornarialerisut bussinut aningaasaliinerat imminut akilersinnaavoq. Angallassinermi annertuumik ingerlatsinermut iluaqutaavoq.







# Sisimiuni talittarfik kangerlussuarmilu umiarsualivik

Sisimiuni talittarfik 56 mio. koruuninik naleqartoq Qeqqata Kommuniata 2012-13-imi sanaartortippaa. Sea Explorer-ip 2013-imi juunip 20-ani talinneratigut talittarfik atoqqaartinneqarpoq. Pingaarnertut angalanermi attaveqaatit, umiarsualiviit ilanngullugit Namminersorlutik Oqartussat akisussaaffigigaluaaraat, Qeqqata Kommunia angalanermi attaveqaatinut taamatut aningaasaliinarluni aalajangerpoq.

Sisimiuni ukiorkpaalunni talittarfinnik ilungersunaannartumik amigaaqeqarsimanera patsisaalluni kommunalbestyrelsi talittarfiliortitsiniarluni aalajangerpoq. Talittarfinnik amigaaqeqarnikkut kilisaatit aalisariutillu anginerusut illoqarfinnut allanut usingiariartortalerput, soorlutaaq ukiut tusindilikkaat nikinnerinit umiarsuit takornariartaatit amerliartuinnartut aasaanerani ulapaarfimmi talissinnaaneq ajorsimasut. Cairn 2010-11-mi Qeqertarsuup eqqaani uuliasuullarmat pissusissamisoorumik Aasiaat pingaarnertut talittarfittut atorqartoq, Sisimiut qaangiinnarlugu Nuuk ungasinnerugaluatoq sillimmatit talittarfissatut atorqarpoq. Inuutissarsiutitigut periarfissarpasuit tamakkua atorluarneqannginnerat eqqarsaatigalugu, kommunip akiligaanik talittarfiliortitsisoqassasoq kommunalbestyrelsi aalajangerpoq.

Namminersorlutik Oqartussat Kommunilu suleqatigiissitaliaa, Assartuussinermi isumalioqatigiissitap siulittaasua Chresten Sørensen siuttoralugu, Sisimiut Talittarfia pillugu inuiaqatigiit aningaasaqarnerinut misissueqqissaarneq 2012-imi saqqummiunneqarpoq. Nalunaarusiap takutipppaa, pingaartumik Kalaallit Nunaanni umiarsuarnut takornariartaatinut ilaallutik takornariartartunut sunniutissai pillugit talittarfissaq inuiaqatigiit aningaasaqarnerinut immiut akilersinnaasoq. Periarfissat assigiinngitsut takutipppaat, umiarsuarnut takornariartaatinut ilaallutik takornariartartut inuiaqatigiit iluanaarutaannut 60-70 procentinik iluanaarutaasartut, illuatungaani aalisarneq uuliasiornerlu tamarmik 15-20 procentiinnarnik iluanaarutaasartut.

Sisimiuni talittarfittaarnikkut Kalaallit Nunaanni inuiaqatigiit aningaasaqarnerinut iluaqtissat taamak annertutiginerinut, pingaartumik umiarsuarnut takornariartaatinut ilaallutik takornariartartut paarlakaannissaanni pissutsit pitsanngoriannissaat patsisaavoq. Umiarsuit takornariartaatit mikinerpaaluit aamma Kangerlussuarmi ilaasuminnik, ilaatigooriarlutillu inuttaminnik paarlaasserusunnerusarput. Taamaalluni sivisunusumik Kalaallit Nunaata imartaanniinnaasarput, tamatumalu kingunerisaanik umiarsuit takornariartaatit, ilaasuilu Kalaallit Nunaanni annerusumik atuisarlutik. Umiarsuit takornariartaatit anginerusut

Europa-mit USA-mut ingerlaarnerminni sivikitsuinnarnik Kalaallit Nunaanniittarput, umiarsuilli taakku amigaatiminnik pisiniarneq ajorput imaluunniit illoqarfippaaluit nunaqarfippaalluullu tikinneq ajorlugit.

Takornariartaatit mikinerusut nalinginnaasumik sivisunerusumik Kalaallit Nunaanni angalaartarput, ilaannilu sapaatip akunnerpaalunni ilaannilu qaammaterpaalunni Kalaallit Nunaanni angalaartarlutik. Umiarsuit taakku pingaartumik Kangerlussuarmut Sisimiunut, avannamullu ingerlaarnerminni illoqarfippaaluit nunaqarfippaalluullu tikittarpaat, takornarissallu illoqarfimmi angalaartillugit imaluunniit inuttaminnik tammajuitsussarsiniaraangamik isertitaqaataasarlutik. Umiarsuit ilaasuminnik inuttaminnillu Kangerlussuarmi paarlaassisarput, tamannalu mittarfinni akitsuutitigut nunatta karsia isertitaqartarpoq, soorlutaaq umiarsualivimmut sermersuarmullu aqqusinikkut Sermersuarmut angallassisarneq Kangerlussuarmi takornarialerisunut isertitaqarfusartoq. Kisianni umiarsuit aamma orserneqarnissaminnik, nioqutissanillu piniarnissaminnut pisariaqartitsisarput, taakkulu Sisimiuni isumagisarlugit. Kisianni talissinnaanngikkunik, amigaatiminnik taakkunanga pisiniarsinnaanngillat.

Kommunip Sisimiuni talittarfittaavata kingunerisaanik, umiarsuit takornariartaatit tamangajaavimmik maanna talissinnaalernikuupput. Umiarsuit takornariartaatit Kalaallit Nunaannut takornariartitsisarnerinut patsisaaqataavoq. Umiarsuit orsertarnerisigut, nerisassarsiniartarnerisigut, allanillu pisiniartarnerisigut Sisimiuni ilaatigut

- » Polar Oil-imut
- » Blue Water-imut
- » Pisiffik-mut
- » Brugsen -imullu

suliffissaqartitsillunilu isertitaqarfusarput. Ilutigalugu umiarsuit tikittartut amerlinerisigut, takornarissallu umiarsuarmiinginnaratik niusartut amerlinikuunerat patsisaalluni takornarialerisut illoqarfimmi takornariartitsisarnerminni, pisutsitsilluni takornariartitsisarnerminni, imaatigut angalaartitsisarnerminni sullitaat amerlinikuupput, soorlutaaq neriniartarfinnut neriarortartut amerlinikuusut.



Talittarfeqarnikkut atugassarititaasut pitsanngorerisigut umiarsuit takornariartaatit aallaavigalugit inuiaqatigiit aningaasaqarnerinut tunngatillugu Assartuussinermi Isumalioqatigiissitap siulittaasuata naat-sorsuusiaata kingunerisaanik, Kangerlussuarmi umiarsualiveqarnikkut pitsanngorsaanissami periarfissat misissortissallugit pissusissamisoorluinnartumik Qeqqata Kommunia aalajangerpoq. Kangerlussuarmi 14 km-inik ungasitsigaluni massakkut umiarsualivimmut, umiarsuit takornariartaatit talissinnaaneq ajorput. Talinnissamut umiarsualivik ikkappallaarpoq. Kippasinnerusumi nutaamik umiarsualivortitsisinnaanissaq Center for Arktisk Teknologi-ip arlalitsigut misissuiffiginikuuaa.

Misissuinerit taakku Rambøll suleqatigalugu misissuqqissaarneqarput, misissueqqissaarinerillu taakku tamarmik takutipppaat, massakkut umiarsualivimmit 10 km-inik ungasinnerusumi Hancock Pynt umiarsualivissaqqissoq. Tamatumani silap pissusaa Rambøll-ip misissorpaa, inuiaqatigiillu aningaasaqarnerinut misissueqqissaarilluni. Assartuussineq pillugu Isumalioqatigiissitap siulittaasuata Sisimiunut tunngatillugu ilmagisai aallaavigalugit misissueqqissaarinerup takutipppaa, Kangerlussuarmi umiarsualivissaq nutaak Kalaallit Nunaanni angallannermi attaveqaatinut aningaasaliinissani pitsaanerpassasoq.

Kangerlussuarmi nutaamik umiarsualiviliornissaq, Namminersorlutik Oqartussat umiarsualivinnut pilersaarutaannut 2017-imi salliutassatut ilanngunneqarpoq. Umiarsualiviup pilersaarusiorneqarnissaanut Namminersorlutik Oqartussat 2017-18-imi aningaasanik immikkoortitsipput, soorlutaaq Kangerlussuaq ilanngullugu Kalaallit Nunaanni pingasunik umiarsualiviliortitsisinnasamut aningaasanik immikkoortitsisut.



# UNESCO-p Nunarsuarmioqatigiinnut Kingornussassannngortitaa

*Kangerlussuarmi Sermersuup, Sisimiullu kujataa-tungaani qeqertat akornanni Aasivissuit-Nipisat 2018-imi juunip 30-ani UNESCO-p nunarsuarmioqatigiinnut kingornussassannngortitaasa allattorsimaffianut ilanngunneqarpoq. Nunatap (avannamut-kujammut) 20 km-it missaanik atitutigisoq, 235 km-iniillu (kangimut-kimmum) takitigisup ukiut tusindilikkaat ingerlanerini immikkuullarilluinnartumik piniariartarfiunera patsisaalluni nunarsuarmioqatigiinnut kingornussassannngortinneqarpoq.*

Ilutigalugu inuit nunamik atuisarnerinik kulturikkut oqaluttuassartalinni Aasivissuit-Nipisat siullersaalluni qaasuitsup killeqarfiata avannaatungaani, UNESCO-p nunarsuarmioqatigiinnut kingornussassannngortitaasa allattorsimaffianiilerpoq.

Ilulissani Kangia-ta 2004-mi, ukiullu tusindilikkaat ingerlanerini nunalerineq aallaavigalugu Kujataani nunatap UNESCO-p nunarsuarmioqatigiinnut kingornussassannngortitaasa allattorsimaffianut ilanngutsinneqarsimaneratigut, maanna Kalaallit Nunaanni UNESCO-p nunarsuarmioqatigiinnut kingornussassannngortitai pingasuupput.

Nuna 56.000-iinnarnik innuttaasulik UNESCO-p nunarsuarmioqatigiinnut kingornussassannngortitaasa allattorsimaffiani pingasunik ilanngutsisisimanagera asseqanngilaq!

Ilulissat takornarianit 2004-miilli ornigarluarneqalerpoq, nunarsuarmioqatigiinnullu kingornussassannngortinneqartut marluk nutaat ukiuni tulluuttuni taamatulli takornariaruarneqartalermissaminnik naatsorsuuteqarsinnaapput. Nunarsuarmioqatigiinnut kingornussassannngortitaa taakku pingasut sineriak sinerilugu allunaasami sapanngatut ittut aallaavigalugit, Kalaallit Nunaata UNESCO-p nunarsuarmioqatigiinnut kingornussassannngortitsineranik atorluannaissaanut tunngavissiipput.

Inuit ukiuunerani sinerissameeriarlutik, aasakkut illumut Kangerlussuup tungaanut tiffarlutik piniariartarsimanagerat patsisaalluni, Aasivissuit-Nipisat UNESCO-p nunarsuarmioqatigiinnut kingornussassannngortitaasa allattorsimaffianut ilanngunneqarpoq. Taamatut imaanit/sinerissamit timmut aasaanerani/ukiaanerani eqalunniarfinnut aavartarfinnullu tiffartarneq sineriammiut ullutsinni angallatinik ulluinnarlugu, sapaatip akunnerata naanerani, sapaatilluinniit akunnerani piniariartarnerat ullutsinni suli atuuppoq.

Aasivissuit Nipisat-llu ilanngullugit sumiiffimmi itsarsuarnitsanik misissuiffigineqartartut arfineq-marluk, UNESCO-mut qinnuteqarnermi tunngaviupput. Sumiiffimmi arfineq-marluusut ilaat suli ornigarneqartarput, matumanimi qanga piniarfissatut najugassatullu tunnga-vissaqarluartut ullutsinni suli ornigarneqartar-mata. Immikkoortunit taakkunannga sumiiffik

## Kangerlussuaq


ataaseq ullumikkut najorneqarpoq, tassalu nunaqarfik Sarfannguit. Taamaalluni nunaqarfik taanna Kangerlussuaq Sisimiullu peqatigalugit takornarialerinikkut ineriartortitissaminut periarfissagissaarluarpoq.

Naak, pisuttartut aqquataa pingaarneq Sarfannguit avannaa-tungaani Nerummamiikka-luartoq, Sarfannguit pisulluni aqqummi Arctic Circle Trail-imiippoq. Siunissami takornarissat amerlanerusut Sarfannguanukartallissasut naatsorsuutigineqarpoq, taavalu Kangerlussuup Sisimiullu akornanni 160 km-iniit pisunnissaq kissaatiginngikkaanni, tassannaanniit

angallammik Sisimiuliaatsittoqarsinnaalluni. Aqquq Sarfannguanit Nipisat tungaanut ingerlatinneqarsinnaanersoq misissorneqarpoq. Nipisat-ninngaanniit aamma angallammik Sisimiuliaatsittoqarsinnaavoq. Kangerlussuarmit Sermersuarmut aqquteqareerneratigut nunarsuarmioqatigiinnut kingornussassannngortitamut apissittoqarsinnaareerpoq, kisianni Sisimiut Kangerlussuullu akornanni aqqus-nermut tapertaliullugu Aasivissuit tungaanut aqqusineerallioqaraluarpat, siunissami najugaqavissut takornarissallu aasivimmut kusanarluinnartumut alakkaanissaminut periarfissaqalissapput.

Nunarsuarmioqatigiinnut kingornussassannngortitaa allattorsimaffianut ilanngutsis-niarneq piffissamik annertuumik atuiffiuvoq, pisortatigullu illuatungerisat suleqatigineqar-simallutik. Nunatap nunarsuarmioqatigiinnut kingornussassannngortitaa allattorsimaffianut ilanngutsinniarneqarneranumut Aage V. Jensen Charity Foundation 2015-imi 1,8 mio. koruuni-nik aningaasaliissuteqarpoq, UNESCO-mullu qinnuteqaat, ingerlatsinissamut pilersaarut ilanngullugu 2017-imi januaarip qaammataani tunniunneqarluni. UNESCO-p ICOMOS-imi siunnersortaasa 2017-imi septembarip qaam-mataani nunatamut alakkaanerisa kingorna

ICOMOS-ip suliniuteqarnermilu suleqati-giissitap akornanni apequtissarpaalunnik akissuteqaaterpaalunnillu kinguneqarpoq. UNESCO-p Bahrain-imi ataatsimeersuernerani Aasivissuit-Nipisat 2018-imi juunip 30-ani nunarsuarmioqatigiinnut kingornussassannngortit-sinerimi allattorsimaffimmut ilanngunneqarpoq.



Sisimiut

Sarfannguit

Greenland  
Ice Sheet



# Ingerlaturanut ataasiakkaanut takornarialerinerme immikkut akuersissutit

Nunanut allarpaalunnt sanilliullugu Kalaallit Nunaanni nunaminertat pigineqarsinnaangnerisigut immikkuullarippoq. Innuttaasut nunamik sumilluunniit atuisinnaatitapput, tamannalu Kalaallit Nunaanni kikkunnt tamanut iluaqutisaalluni kusanarluinnartumik pissusiuvoq.

Illuatungaani takornarissat aamma nunamik sumilluunniit akimmiffilersorneqaratik atuisinnaatitapput, Kalaallit Nunaanni takornarialerineq iluanaarutaassappat ineriartortinneqassappallu, tamanna unammillernartunik nassataqarluni. Tamanna inuutissarsiorfinnut allanik ingerlataqartunut aamma atuuppoq.

Inatsisitigut periarfissarlugu nassaaminik/qallukkaminnik atuisinnaatillutik nunanit allanit, najugaqavissullu aningaasaliisartut ernumasuteqaratik uuliasiornissamat aatsitassarsiornissamullu aningaasaliisarnaansaammata, aatsitassarsiornerup tungaatigut qangaaniilli immikkut akuersissutit iisimaneqarput. Tamanna Nunatta Kujataani nunalerinerme aamma atuuppoq.

Takornarialerinerme aatsaat 2011-12-imi siullermik eqalunniartitsinerme, malitsigisaanillu takornarialerinerme sulianut tamanut immikkut akuersissutitinnunniissinnaalerneq inatsisigut periarfissannorgorpoq. Kommunip pilersariorfigineqarnerani tapiliussatigut najukkami kommunit sumiiffinnik immikkut akuersissuteqarfissanik immikkoortitsinnaanissaannut inatsisip pisinnaatippai, taassumalu malitsigisaanik Namminersorlutik Oqartussat Inuussutissarsiornermut Naalakkersuisoqarfia suliariumannitussarsiuussinerme suliasanik suliariumannitussarsiuussinerlu ingerlartarpari. Namminersorlutik Oqartussanit Kommunimiillu

ilaasortaqarluni ataatsimiititaliap neqeroorutit takkuttut nalilersortarpari, Naalakkersuisunullu inaaruutaasumik akuerineqarnissaannut inner-suussisarluni.

Eqalunniartitsinerme, tammajuitsussarsitsinialunilu piniariartitsisarnerme immikkut akuersissutitinnunniissinnaalerneqarussaa Inuutissarsiuutitigut siunnersuisoqatigiit Arctic Circle Business-ip, Qeqqata Kommuniatalu ukiopaalunni anguniarnikuuaat, taamaatumillu kommunip pilersariorfigineqarnerani tapiliussatigut tammajuitsussarsitsinialunilu piniariartitsisarnermut eqalunniartitsisarnernullu immikkut akuersissutitinnunniissinnaalerneqarussaa siulliusimalluni. Malitsigisaanik Inuutissarsiornermut Naalakkersuisoqarfik suliariumannitussarsiuussinerme suliasanik nassuaasioparpoq, 2017-imi januuarip aallaqqaataani atuutilersussanik eqalunniartitsinissamat immikkut akuersissutit siulliit tallimat Qeqqata Kommuniat 2016-imi agguallugit. Kuuit sineruttut 2016-imi neqeroortigineqarpoq, kuuillu pingasut takornarialerisunut agguanneqarput. Takornarialerinerme immikkut akuersissutitinnunniissinnaalerneqarussaa siulliusimalluni.

2018-ip aallartisimalernerani tammajuitsussarsitsinialunilu piniariartitsiviit neqeroortigineqarput, tammajuitsussarsitsinialerlu pillugu kommunip pilersariorfigineqarneranut tapiliussatigut immikkoortunit immikkoortitanit aqqaneq-marluusunit arfineq-pingasut 2018-imi maajip qaammataani takornarialerisunut agguanneqarput. Immikkoortut sineruttut marluuk aamma qinnutiginerput, immikullu akuersissuteqarnissamat qinnuteqaatit naammatumik piukkunnaateqanngitsut nalilerneqarput.


Eqalunniartitsivissat tammajuitsussarsitsinialunilu piniariartarfiit 2018-ip naanerani/2019-ip aallartisimalernerani neqeroortigineqarpoq naatsorsuutiginerput. Maniitsup Itillillu akornanni sisorartarfiup takornarialerisunut immikkut akuersissuteqarnissaa pillugu Qeqqata Kommuniat aamma kommunip pilersariorfigineqarneranut tapiliussaliornikuuvoq. Inuutissarsiornermut Naalakkersuisoqarfik suliariumannitussarsiuussinissami arfineq-pingasut nassuaasiuleruttarpoq, 2019-imi neqeroortigineqarussaa naatsorsuutiginerput.

Kuuit eqalunniartitsiviit arfineq-pingasut, tammajuitsussarsitsinialunilu piniariartarfiit qulit takornarialerisunut qulinut agguanneqarput. Immikkut akuersissutitinnunniissinnaalerneqarussaa siulliusimalluni.

Takornarialerinerme ingerlanneqartartut eqqarsaatigalugit eqalunniartitsiviit avinngarusimasiinnunermata, eqalunniartarfinnut immikkut akuersissutitinnunneqartut aallaavittut tapersimaartitsisarnissamik aallaaveqakkajunnerarput. Tammajuitsussarsitsinialunilu piniariartarfinnut immikkut akuersissutitinnunneqartut tamarmik Kangerlussuup eqqaanniipput, tamannalu Kangerlussuarmi annertuumik takornarialerineq aallaavigalugu nunatap siunertanut allanut atorneqarsinnaanissaannut aamma periarfissilluni.

Tammajuitsussarsitsinialunilu piniariartitsisarnermut immikkut akuersissutaatillit neqeroorteqarnerminni, katillugit arfinilinnik unnuisarfinnik/illuaqqanik sanaartornissatik, massakkullu tammajuitsussarsitsinialutik piniariartitsisarnerminni illuaraatitatuartik allilernissaa piumasaraat. Ataatsimut isigalugu ukiialuit ingerlanerini katillugit unnuisunut 58-inut inissaqartitsilerlutik unnuisarfii/illuaqqat sanaartorneqassapput, tassungalu ilanngullugu takornarissanik angallassisartut, igasut, sulisullu allat aamma amerlineqassallutik. Tammajuitsussarsitsinialunilu piniariartitsivissatut sumiiffit pingasut MASARLOQARFIMMIINNERAT, pingaartumillu masarloqarfimmi timmissat illersorneqarnissaat pingaartinneqarnerat patsisaalluni illuaqqortoqaqqusaanngilaq.

Kommunip pilersariorfigineqarneranut tapiliussap Arctic Circle Road sinerlugi annertusineqarneratigut, tammajuitsussarsitsinialunilu piniariartitsiviit 2019-imi annertusineqassat naatsorsuutiginerput. Siullermik nunaanarmi aqqusiornikkut, kingusinnerusukkullu aqqusinivimmik aqqusinnorikkut immikkoortarpoq tamanna tikikkuminarsinneqassaaq, UNESCO-llu nunarsuarmioqatigiinnut kingornussassannortitaani nutaami tammajuitsussarsitsinialunilu piniariartitsisalerinissamat periarfissaqalersitsissalluni. Najukkami takornarissanik angallassisartut peqatigalugit takornarissat, ukiuni 4.500-ni inuit piniariartarfigisaat, UNESCO-llu nunarsuarmioqatigiinnut kingornussassannortitaanukarlutik umimmaniarsinnaalissapput.





# Takornarialeriner mi ataatsimoorussamik suliniummut akuersissutit

Soorlu eqalunniartitsisarnernut, tammajuitsussarsitsiniarluni piniariartitsisarnernut imaluunniit sisorariartitsisarnernut ataasiakkaanut taamaallaat immikkoortitsinani, immikkut akuersissuteqartarneq pillugu inatsit allatigut aamma periarfissiivoq.



Takornarialeriner mi ingerlatamut ataatsimut arlalinnuunniit immikkut akuersissut tunuliaqataralugu, takornarialerisoq namminersortoq takornarialeriner mi suliniummik ataatsimoorumik qinnuteqarsinnaavoq. Matumani namminersortoq qinnuteqartup kommuni kommunip pilersaarutorfigineqarneranut tapiliussamik, Namminersortutik Oqartussallu suliariumannittussarsiuussinissami suliasap nassuiaataaniq suliaqarnissaannik qinnuigissavai, siunnersuummi unammilleqatigiinnissamik kinguneqartitsisussaammat. Namminersortutik inuutissarsiutillit maannamut taamatut takornarialerinerissaminut immikkut akuersissutinik marlunnik qinnuteqarnikuupput.

Kuup eqalunniartarfiup immikkut akuersissuteqarfiorenera, taamaattumillu inuilaami immikkut akuersissuteqarfiorenera ilaatigut patsisaalluni kommunalbestyrelsiq taamatut aalajangiivoq. Tamatuma saniatigut sisorarfik Maniitsup Itillillu akornanni ataatsimoorumik sisorartitsinernut immikkut akuersissummut eqarsaatigineqareerluni taanna taamani suliarineqarpoq, kingorna akuersissutigineqartumik.

Iglo Mountain Aqqutikitsumi Ungallip Qaqaanilu assigiinngitsorpassuarnik takornarialeriner mi ingerlatsinissaminut, takornarialerinerissamut immikkut akuersissummik tunineqarnissaminik 2017-imi qinnuteqarpoq. Sermimi assigiinngitsunik ingerlatsinissamut soorlu sisorartitsisarnissanut, mountainbike-nik sikkilertitsisarnissanut, sermimi qallortitsisarnissanut kiisalu nalinginnaasumik takornarialeriner mi ingerlanneqartartunik soorlu qimusertitsisarnissanut, qamuterallannik angalaartitsisarnissanut unnuisarnissanullu, aammali uumasuiveqarnissamut immikkut akuersissut atornerqarnissaa kissaatigineqarpoq. Kommunip pilersaarutorfigineqarneranut tapiliussaq suliarineqarpoq tusarnutigineqarluunilu, kisianni akuersissutigineqanngilaq.

2015-imi Sirius Greenland Itillip kujataa-tungaani Erfaliup eqqaani inuilaami unnuisarfeqarusullutik takornarialeriner mi immikkut akuersissummik qinnuteqarput. Takornarialeriner mi assigiinngitsunik ingerlatsinissamik, matumani nunap immikkoortortaanu kuup eqalunniartarfiup pilernassusaa, sisorarfikkuminarneralu ilanngullugit aallaaveqarluni, immikkut akuersissut kissaatigineqarpoq. Kommunip pilersaarutorfigineqarneranut tapiliussaq suliarineqarpoq tusarnutigineqarluunilu, kisianni akuersissutigineqanngilaq.

suliariumannittussarsiuussinermilu suliasap nassuiaataa, 2019-imi maa'ijip 27-ani killilerlugu nassiuunneqarluni.


Iglo Mountain-ip Aqqutikitsumut suliniutitik ukiorpaalunni ineriartortinnikuuaat. Ukiuunerani nunataq taanna Sisimiut qamuterallannik, qamussuarnik qimussuniillu ajornaquteqanngitsumik tikinneqarsinnaasarpoo, aasaanerani Kangerluarsuk Ungallikkoorluni angallatinik tikinneqarsinnaasarluni. Ukiuni kingullerni sumiiffimmi tassani majuutseriarluni ammut sisorariartartut annertuumik amerleriarnikuupput, soorlutaaq yacht-iutillit takkuttartut aallaavigalugit qulimiguulimmik qummukaatseriarlutik sisorariartartarlernikuusoq.

Nunaannarmi qamutit motorillit angallassitsutiginnisaat pillugit ileqoreqqusaq nutaaq kommunalbestyrelsiq 2014-imi akuersissutigaa, tassani qamuterallannik Kangerluarsuk Ungallikkoorluni, Kangerluarsuk Tullikkoorluni, Tasersuakkoorluni (erngup nukinganik nukisuiuteqarfi) Aqqutikitsuliarinnaasaaq periarfissaalerluni. Tamatuma kinginerisaanik sisorartarfimmu qamuterallaat qanillivissinaalernerisigut, Ungallip Qaqaani sisorartarfik

tikkuminarnerulersinneqarpoq. Nunataq taanna 2008-mi Arctic Circle Race-p ingerlanneqarnerani ullup aappasaani najorneqarpoq.

Iglo Mountain aningaasaliisartunik oqaloqateqarlualarnermikkut paasivaat, Aqqutikitsumi takornarialeriner mi periarfissarpasuit atorluarneqarpata Kangerlussuarmi Mittarfimmu ukioq kaajallallugu iluaqutaassasoq. Suliniuteqarnermi Sisimiuni Mittarfik imaluunniit mittarfik alla naammangillat. Sisimiut Kangerlussuullu akornanni aqquasiassatut pilersaarutigineqartoq, Aqqutikitsumit toqqaannarlugu 8 km-iinnarnik ungasitsigivoq.

Aqqutikitsumi sermip, uumasuuvissap unnuisarfiisatullu pilersaarutigineqartumut, Sisimiut Kangerlussuullu akornanni aqqusinniassamit aqqutissaa misissorneqarpoq. Aqqusinniassaq taanna namminersortunit imaluunniit pisortanit qanoq aningaasalersorneqarsinnaanersoq imaluunniit namminersortut pisortallu suleqatigiinnerisigut aningaasalersorneqassanersoq aamma misissorneqarpoq.



**Aappalaartoq = Aqqutikitsumi assigiinngitsunik sammisasaqartitsivissanut akuersissut**



# Silap pissusianik ilisimatusarneq, issittumilu misileraanerit

Nunat assigiinngitsut akornanni ilisimatusartartut Kalaallit Nunaanni ilisimatusartarnerini, pingaartumillu Sermersuarmi eqqaanilu silap pissusaanik ilisimatusartarnermi Kangerlussuaq qitiuvoq. Sermersuarmut aqqusinikkoorluni Sermersuarmut aqquutigissaarnera, ilisimatusarnermilu timmisartorpaaluit tikittartut inissaqartinneqarlutik miffigineqarsinnaajuartumik mittarfeqarnera patsisaaqataalluni, Kangerlussuarmi ilisimatusartarneq annertoorjussuuvooq.

United Nations World Tourism Organization-ip (UNWTO - FN-imi takornarialerisut) nassuiaa-nera naapertorlugu takornariaq tassaavoq, sunngiffimmini, sulinerminut atatilugu imaluunniit allanik peqquteqartumik najukkani qimallugukiumik ataatsimik sivikinnerusumik angalasartoq. Ilisimatusartut nalinginnaasumik unnuisarfinni unnuisarput, sumiiffinnilu annertuumik ilisimatusarfiusuni unnuisarfinnik pilersitsisoqartarluni.

Kangerlussuaq International Science Support (KISS) katersuuffittut atornerqartarpoq. Ilisimatusartut KISS-imi unnuinarnaq ajorput, aamma misissuisarfeqarpoq, soorlutaaq ilisimatusarnermi atortuutit Kangerlussuarmi sumiiffinni assigiinngitsuni toqqorsiveqartoq. Ilisimatusartut Sermersualiaatissaminik imaluunniit Sermersuarmi ilisimatusarnissaminut piareersarnissaminut, atortuutiminillu piareersaanissaminut Kangerlussuup nunaqarfittaani angalanissaminut biiliniq attartortarput.

Silap pissusaanik ilisimatusartartorpassuit nalinginnaasunik aasaanerani Kangerlussuarmiittarput, ilutigalugulu amerikkarmiut sakkutuui timmisartortartut Sermersuarmi minnissamut sungusartarlutik. Amerikkarmiut sakkutuui timmisartortartut Sermersualiaangamik ilisimatusartut Sermersualiaqatigisarpaat. Sakkutuut timmisartortartut, silap pissusaanillu ilisimatusartartut ukiunerani Qalasersuaq Kujallermu-kaasarput.

Nutaalianik ilisimatusarnerit, nunarsuatsinni suliffeqarfinni ilisimatusarfinnilu misileraavinni (laboratoriani) nillertuni amerlanertigut misileraarnerqartarput. Nutaaliat angisuut soorlu motoorilinnik angallatilit, allallu timmisinnaasut misileraarnerqarnissaanni inissaq annertooq pisariaqartinneqartarpoq, taamaattumillu illup iluani misileraavinni (laboratoriani) misileraarnerqarsinnaaneq ajorlutik. Angisuunik misileraagasqartillugu ilisimatuut nutaaliaminik issittumi misileraanarlutik issittunukartarput.

Biiliniq issittumi misileraasarneq suliffissuavaoq annertooq. Pingaartumik europami biillilortartut Asiama akissarsiakiffimmi akikitsunik kopii-liortartunit unammillernerqarumanatik, biiliniq nutaanik ineriartortitsiuarariaqartarput. Nunani Avannarlerni, pingaartumik Sverige-mi, biillilortartut suliffippassuaqalersitsillutik, taavalu Sverige-mi, Tyskland-imi Italia-milu biillilortarfisuarini ingenior-erpassuarnit tikiqqartalerlutik ineriartortitsinikuupput. Ukiunerani misileraanerit ingerlanneqartarput, tamannalu Sverige-p avannaani Qaasuitsup nalaani unnuisarfiit ukioq kaajallallugu unnuisoqartittarlugu. Nunarsuup avannaa-tungaani aasaanerani biillilortartut issittumi misileraanissaminik aamma pisariaqartitsisarput. Taamaattumik biilit nutaaliat, ingeniorit atortut il.il. timmisartumik nunarsuup kujataa-tungaannukaanneqartariaqartarlutik.

Biillilortarfissuup VW-p aasaanerani biiliniq misileraanermi nunarsuup avannaa-tungaa-niinnarnissaminut, assartuinermilu aningaasartuuterpaaluit pinngitsoortikkumallugit, misileraasarnissaminut periarfissamik allamik 1990-ikkunni nassaarpoq. Matumani Sermersuarmi misileraavik Aurora ammarpaat.

Siuliani eqaaneqareesutut aasaanerani biiliniq misileraasinnaa-niassagamik, Kangerlussuup eqqaani Sermersuarmi sanaartorput, 120 km-rinillu takitigisumik aqqusinniorlutik. Sermersuup taamak annertutigisumik nikerarnissaa ajoraluurtumik ilimagsimangilaat, misileraavitsillu 2004-mi matuinnarlugu. Ilimagsaannit sila allangorarnersimavoq. Silap allangorarnernata kingunerisaanik Sverige-p Avannaani ukiunerani biiliniq misileraasarneq aamma sivikinnerulersissimavaa. Sverige-p Avannaanun sanilliullugu sivisunerusumik misileraasinnaa-nissaminut periarfissat misissorniarlugit, europami biillilortarfissuit Kangerlussuarmut tikeraar-nikuupput.

Kangerlussuup Sermersuullu issinnerunerisigut, silallu allangoranninneruneratigut, Sverige-mut sanilliullugu tamaani sivisunerusumik misileraasinnaa-pput. Lastbiilit timmisartullu ajornaquteqanngitsumik Sverige-p avannaanu-karsinnaasarmata, Kangerlussualiaassagunillu sivisunerusumik akisunerusumillu angalasusaammata, matumani assartuinerani aningaasartuutissat unammillernarsimapput.



BMW 2014-imi oktobarip qaammataani misileraapput, Kangerlussuarmilu taamani oktobarip qaammataani sapaatip akunnera taanna aatsaat taamak kiatsigimmat iluatsivallaar-simangillat. Malitsigisaanik Namminersorlutik Oqartussat, Qeqqata Kommunian Arjeplog Test Management-ilu 2015-imi europami biillilortartut Kangerlussuarmi workshop-ertitsivoq.

Misiliinerit takutippaat, unnuisarfiit amerlassusaasa/pitsaassusaata, internetsimullu attaveqaatit pitsanngorsarneqarnissaannik biillilortartut pisariaqartitsissut, soorlutaaq timmisartukkut angisuunik nassiusisarnermi Kalaallit Nunaanni timmisartuutiqatigiiffiup nassiusalernisarnerninik pitsanngorsaagaluaruni, taamaallunilu biiliniq ataatsinik Airbus-imut ilaatitsisalersinnaagaluarpaata iluaqutaas-sagaluartoq. Kingullertut minnerunngitsumillu Kangerlussuarmi nutaanik umiarsualivittaarnik-kut kiisalu Sisimiut Kangerlussuullu akornanni aqqusinertaarnikkut angalanermi attaveqaatit pitsaanerunissaat biillilortartut ujarorpaat, attaveqaatimmi pitsaaneruleraluarpata biilit atortullu timmisartukkut nassiuqqartartut ilaat umiarsuakkut/aqqusinikkut akikinnerusumik nassiuqqartalerneqarsinnaammata.

Tamatuma saniatigut timmisartuliortartut, nutaatullu soqutiginarluinnartunik dron-iliortalernequt issittumi misileraasalerneqartit soqutigalugu oqaatigikuuat. Kangerlussuaq aallaavigalugu timmisartunik sulisileraasooqarnikuunngitsooq, 2017-imi 2018-imilu dron-it Kangerlussuarmi misileraarnerqarput.

Biiliniq misileraaneq pillugu Qeqqata Kommunian Arjeplog Test Management-imik qanimut suleqateqarpoq, matumani Akuliarusersuup Kuua, Kangerlussuarmilu aqqusinerpaaluit tatsillu atornerqartarlutik. Kangerlussuup qiterpasissortaan, mittarfiup avannaa-tunginguanini issittumi misileraavissarjussuaq kommunip 2015-imi immikkoortippaa. Dron-iliortartunik kommunian aamma qanimut suleqateqarpoq.





# Qeqqata Kommunianni Kalaallit Nunaannilu Takornarissat

Kalaallit Nunaanni Naatsorsueqqissaartarfiup naatsorsuutimini takornarialerineq aamma naatsorsuusiorarpaat. Tassani immikkoortuni pingasuni kisitsisitigut paasissutissat nassaarineqarsinnaapput: timmisartunut ilaasartut, unnuisarfinni unnuisartut, umiarsuillu takornariartaatit. Timmisartunut ilaasut kisitsisit takutippaat, avataanit tikittartut 75 procentit missaat Kangerlussuarmi Mittarfikkoortartut, Kangerlussuakkoortartullu ukiut pingasut kingullit amerliartuinnarsimasut.

Kalaallit Nunaanni timmisartoqarfiit avataanit timmisartunit tikinneqartartut allat soorlu Nuuk aamma Nerlerit Inaat ukioq kaajallallugu ilaasoqartarsimapput imaluunniit soorlu Kulusuk, Ilulissat Narsarsuarlu aasaanerani/takornarialerinerup nalaani tikinneqarnerusarsimallutik. Kangerlussuarmi Mittarfik qeqqapaajaani inissisimalluni ukioq kaajallallugu tikinneqartarpoq, kisianni tikittartut aasaanerani malunnartumik amerlisarlutik. Mittarfinnut allanut sanilliullugu Kangerlussuarmi Mittarfik juulimi tikinneqarnerpaaneq ajorluni aggustimi tikinneqarnerpaasarpoo, tamannalu pingaartumik umiarsuarnut takornariartaatinut ilaasut aggustimi Kangerlussuarmi paarlakkiartorlugit timmisartunit tikittartunik patsiseqarluni.

Timmisartunit ilaasartut pillugit kisitsisitigut paasissutissat, angalasut, taamaallunilu aamma takornarissat avataani najugallit Kalaallit Nunaanni sumukartarnersut ajorluartumik takutitsingillat. Kalaallit Nunaanni nunap immikkoortortaanni assigiingitsuni takornarissat qanoq amerlatiginersut paasissagaanni, unnuisarfinnit kisitsisit qiviarneqartariaqarpot. Takornarissat pillugit Namminersorlutik Oqartussat pilersaarutaani nassuiaatigineqarpoq, Kalaallit Nunaata avataanit tikittartut unnuisarfinni unnuisarnerat pillugu Kalaallit Nunaata Naatsorsueqqissaartarfiata takornarialerineri kisitsisaataanut aamma ilaasut. Kalaallit Nunaanni Naatsorsueqqissaartarfiup illoqarfik ataasiinnaq immikkut naatsorsuorfigimmagu, tassalu Ilulissat, Kangerlussuarmut takornariartartut qanoq amerlatiginersut misissoneqarnissaannik Visit Greenland, Arctic Circle Business Qeqqata Kommuniatalu 2017-ip aallartisimalernerani misissuisitillutik aallartitsippot. 2016-imut tunngatillugu Kalaallit Nunaanni Naatsorsueqqissaartarfiup immikkut ittumik naatsorsuinerata tupaallannangitsumik takutippaa, Qeqqata Kommuniannut takornariartut amerlanerpaartaat Kangerlussuarmut takornariartartut. Ersarinnerusumik misissuinerit takutippaat, unnuisarfinnik ingerlatsisut, takornarialerisullu annerit minnerillu sullitatit pillugit nalunaaruteqartarsimangitsut.


Suleqatigiit taakku pingasut Kangerlussuarmi takornarialerinerimik misissuillutik aallartippot. Eqaloqarfiit eqqaanni illuaraateqarlutik takornarialerisartut, tammajuitsussarsitsiniarlutillu piniariartitsisartut kisitsi-

saataat, Kalaallit Nunaanni Naatsorsueqqissaartarfiup pisortatigoortumik kisitsisaataanut ilaangillat. Kangerlussuarmi unnuisarfii anginerusut marluk assigiingitsunik peqquteqartumik aamma nalunaarutigineqartarsimangitsut aamma paasinarsivoq. Misissuinerit takutippaat, nunatta avataanit tikillutik Kangerlussuarmi unnuisartut pillugit Kalaallit Nunaanni Naatsorsueqqissaartarfiup 17.000-inik nalunaarutit 10.000-inik amerlanerusut Kangerlussuarmi unnuisartut. Taamaallunilu ataatsimut isigalugu nalunaarutigineqarsimangitsut kingunerisaannik, Qeqqata Kommunianni unnuisimasut 27.000-iinnaanatik, 37.000-iusimapput. Taamaallunilu Kangerlussuag Ilulissanituulli avataanit tikittunit unnuisoqartigingajassimavoq, 2016-imilu Qaasuitsup Kommuniata unnuisartunit tikinneqarsimanera qanilluinnarluni Qeqqata Kommunia unnuisoqarsimavoq.


Timmisartunit ilaasartut qaammatinut agguataarneqartarnerasuulli, unnuisarfinni unnuisartut agguataarneqartarput. Agguataarinerup takutipaa, nunap immikkoortortaannut allanut sanilliullugu ukiup ingerlanerani qaammatini amerlanerusuni avataanit tikillutik Qeqqata Kommunianni unnuisartut amerlanerusut. Kisianni juulip aggustillu qaammatani Qaasuitsup Kommunianni Ilulissani unnuisimasut amerlanerupput, soorluttaaq illoqarfiit pingaarnersaanni Nuummi Sermersooq Kommunianni unnuisimasut januaarimi februaarimilu amerlanerusimasut.




**Timmisartumik ilaasut, Kalaallit Nunaannit aallartut**




**Kangerlussuarmut ilaasut nunanit allaneersut**



**Tikeraat 2016-imi unnuineri**



**Tikeraat 2016-imi hotel-imi unnuineri**







# Qeqqata Kommuniyani ukioq kaajallallugu takornarialerineq


Nunap immikkoortortaanut allanut sanilliullugu Destination Arctic Circle ukioq kaajallallugu takornarialerisarnera naalaatsornerinnaangilaq. Ukioq kaajallallugu takornarialerisarnissaq Arctic Circle Business-ip Qeqqata Kommuniatalu anguniarpaat. Nunap immikkoortortaani ukiuunerani takusassaqqissoqarnera/misigisassaqqissoqarnera kisiat aallaavigalugu naliiisoqarnikuunngilaq, matumanili takornarialerineri ukioq kaajallallugu suliffissaqartitsinissaq ilisimaarlugu aamma anguniarneqarluni. Tamanna najukkami suliffeqarfiit ukioq kaajallallugu takornarialerisarnaannut, taamaalillunilu aasaanerani taamak sivikitsigisumik takornarialerisarnemi avataanit tikisitsisarnenik annikillisaanissaannut tunngavissiivoq.

Najugaqavissut ukiut tusind-ilikkaat ingerlanerini ukiup qanoq-ilinerani imaani nunamilu periarfissarpasuarunik atuisarneri assigalugit, takuuk UNESCO-p nunarsuarmiqaqtigiinnut kingor-nussassannorteqqammisaa Aasivissuit-Nipisat, ukiup qanoq-ilinerani periarfissarpasuit assigiinngitsut Destination Arctic Circle-mi takornarialerineri atorluarneqartarput.

Aasaaneriinnaani takornarialerisoqarani takornarialerinerup siammarneqarnissaanik Destination Arctic Circle-p immikkut sammisaqarnera, Visit Greenland-ip 2010-p aallartisimalerani igasoq Chris Coubrough peqatigalugu ussasaaruteqarnissamik suliniuteqarnerani ersarilluinnartumik takuneqarsinnaavoq. Nunap immikkoortortaanni tamani Visit Greenland inuutissarsiutilinnik suleqateqarluni, nunap immikkoortortaani nerisassat takornarialerineri misigisassat aallaavigalugit igasoq Chris Coubrough sammillugu isiginnaagassianik immiusivoq. Kalaallit Nunaanni nunap immikkoortortaasa tamarmik, immikkoortortatik aasaanerani saqqummiuppaat. Tamatumanili Destination

Arctic Circle-p ukiuunerani tammajuitsussarsisitsinialuni piniariartitsisarneq, qimussertitsisarneq, qamuteratsitsisarneq, qulimiguulimmik sisorariartitsisarneq, imaanut aqqartitsisarneq, arsarnerillu sammivaa.

Destination Arctic Circle-p ukiuunerani takornarialerisarnemik immikkut sammisaqarnera, Kalaallit Nunaanni nunap immikkoortortaasa sinnerisa ukioq kaajallallugu takornarialerisarnemik sammisaqalernissaannut tunngavissiivoq. Kalaallit Nunaannut takornariartartut amerlanersaat nunap immikkoortortat amerlanerusut soorlu Arctic Umiaq Line-mut ilaallutik sineriak sinerlugu imaatigut angalaarnermikkut, imaluunniit The Golden Circle of Greenland-imi (Kangerlussuaq-Sisimiut-Ilulissat) angalaarnermikkut takornariarussutartarput. Destination Arctic Circle ukiuunerani nukittuumik inissimasooq nunap immikkoortortaasa sinnerinut, illuatungaanullu amerlanerusunik takornariaqalersitsissaaq. Suleqatigiinnikkut nukittuunngortitsisoqartarpoq, takornariassallu amerlanerusut soqutiginnilersinneqartarlutik.



Kalaallit Nunaanni takornarialerinerup ussasaarutigineqartarnera, Visit Greenland-ip suliffeqarfinnik, nunap immikkoortortaani kommuninillu suleqateqarluni isumagisarpaa. Visit Greenland-ip ukiuni kingulerni The Big Arctic Five oqaluttuarissallugu immikkut sammivaa.

Afrikami Big Five:

- » løve-nik
- » nagguaatsunik
- » sissisunik
- » leopard-inik
- » boffel-inillu misigisassarsiorlutik afrika-mut takornariassanik millionilikkaanik orninneqartarpoq.




Visit Greenland-ip Big Arctic Five-tigut ussasaarutigisai tassaapput:

- » qimussit
- » arsarnerit
- » siku
- » inuit
- » arferillu.

Taamatut 'pitsaalluinnartumik' avammut ussasaaruteqarnermi ukioq kaajallallugu misigisassat soorlu siku (nunap immikkoortortaasa ilaanni), inuit/kulturilu, ukiuuneranilu misigineqarsinnaasut soorlu qimussit arsarnerillu kiisalu aasaanerani soorlu arferit sikulu (nunap immikkoortortat ilaanni) sammineqartarput.

Big Arctic Five-mi misigineqarsinnaasut Sisimiut Kangerlussuullu immikkoortutik takornariassanut neqeroortugisinnaangilaat. Sumiiffinni


taakkunani suliniutinik nutaanik ingerlatsillutik nutaaliorsuseqartunik innuttaasooqarpoq, qimussertitsinnaanerlu taakkunani marluusuni neqeroortugineqartarluni, naak Kangerlussuarmi qimussertitsisarnemik amerlanerpaartaat Sisimiuni qimussertitsisartunit ingerlanneqartarlutut. Ukioq kaajallallugu Sermersuarmut takornariarsinnaanermik Kangerlussuaq aamma neqeroorteqarsinnaavoq, sumiiffimmilu silap allanngujuinnera patsisaalluni arsarnerit tamatigunngajak takuneqarsinnaasarlutik. Taamaattorli arfersiortitsinissamik Kangerlussuaq neqeroorteqarsinnaangilaq. Illuatungaatigut arfersiortitsinissamik Sisimiut neqeroorteqarsinnaavoq, kisianni Sisimiuni siku Kangerlussuarmi alutornartiginngilaq, arsarnerillu takunissaannut 100 procentimik qulakkeerneqarsinnaanani. Inoqarfiit taakku marluk suleqatiginermikkut, Big Arctic Five-mi takusassaqqisut tallimat neqeroortugisinnaavaat.



Relateret links:  
<https://www.tripping.com/explore/9-best-places-to-see-the-northern-lights>  
<https://edition.cnn.com/travel/article/best-northern-lights/index.html>



# Arctic Circle Road – Allannguisutut



Arctic Circle Road Kangerlussuup Sisimiullu akornanni allannguisaaq tulluuttut patsisigalugit:

- » Illoqarfiit marluk akornanni akikinnerusumik, eqaannerusumik, imminnullu atanngitsumik angallassinissami Arctic Circle Road akikinnerulersitsissaaq
- » Arctic Circle Road-ip nunaannarmi sumiiffimmut ammaassissaaq
- » Kangerlussuarmi unnuisarfinnut aningaasaliissuteqarnissami tunngavissaqarnissamat Arctic Circle Road qulakkeerinnissaaq

Illoqarfiit marluk akornanni akikinnerusumik, eqaannerusumik, imminnullu atanngitsumik angallassinissami Arctic Circle Road akikinnerulersitsinissaa eqqarsaatigalugu, maannamut sanilliullugu akikinnerungaatsiartumik takornarissat Kalaallit Nunaanni illoqarfiit marluk/sumiiffiit marluk takornariarsinnaalissavaat. Kangerlussuarmiinnikkut Sisimiuniinnikkullu The Arctic Five-p misigisaqarfiginissaanut Arctic Circle Road periarfissiissaaq. Mittarfiit takinerusut immikkut sammineqarnerisut, akikinnerusumik angalassinnaalerneq Kalaallit Nunaanni sumiiffiit allanut aamma iluaqutaassaaq, kisianni mittarfinnut sanilliullugu aqqusinerigtigut angallassineq kisimi akikillerulis-

sanngilaq. Timmisartuutleqatigiit ikitsuinnarnik timmisartuussisarnerat, silaluunniit apeqquta-atinnagu takornarierisut, takorissalluunniit angalanissami ilaa namminneq isumaginissannut aqqusinerigtigut angallassinnaa issaaq periarfissiissaaq. Kangerlussuaq Sisimiullu kisiisa tikeraarnagit illoqarfiit amerlanerisut tikinneqarsinnaanissaanut aamma tunngavissiissaaq, tassuunakkummi angalaneq akikinnerulersinneqarpat, takornarissat Kalaallit Nunaannut angalanissaminnut aningaasat immikkoortissimaasaat atorillugit illoqarfik alla pingajutut aamma takornariarneqarsinnaassaaq. Kangerlussuup Sisimiullu tikeraarnerisa saniatigut maanna assersuutigalugu Ilulissat tikinneqarsinnaalissaaq. Imaluunniit takornarissap Kangerlussuaq Ilulissallu tikeraassallugit siunniussaqaqsimaguni, saniatigut Sisimiut takornariarsinnaalissallugit.

Arctic Circle Road nunap immikkoortortaanut nutaamut ammaassinnaasaat saniatigut, assersuutigalugu soorlu UNESCO-p nunarsuarmioqatigiinnut kingornussassanngortitaata Aasivissuit-Nipisat imaluunniit Aqutikitsup alakkarterneqarsinnaanissannut periarfissiissaaq. Taamaalliluni nunatat massakkut tikinneqarsinnaanngitsut tikinneqarsinnaalissapput, tamatumani Kangerlussuarmi Sisimiunilu

takornariartartoq Ilulissanut ingerlaqqitsigani sionratigut ulluni pingasuni, Kangerlussuarmi ullut marluk, Sisimiunilu ulloq ataaseq, atorlugit misigisassarsiorarsimagaluarluni, misigisassarsiornermi ullut tallimat atorsinnaalissallugit. Kisianni aamma massakkut Arctic Circle Trail-imi takornarissanit misigisassarpasuit, maannamut sanilliullugu agguataarlugit misigineqarsinnaalissallutik. Pisulluni takornariartartoq siunissami Kangerlussuarmut Sisimiunut pisuttariaarutissaaq, soorluttaaq qimusserluni takornariaq, ujakkaartoq, sikkilinillu silitunuk assakaasulinnik sikkilertoq illoqarfiit taakku marluk akornanni aqqut 160 km-inik takitigisoq tamakkerlugu ingerlaarfigisariaarutissagaat. Siunissami assersuutigalugu aqqut affaa namminneq angalaffigeriarlugu, aqqutaata sinnerani bussutsinnnaapput/biilutsinnnaapput. Imaluunniit takornarierinermi ingerlatat taakku marluk akornanni aqqutaani nikerartitsinnaallutik.

Kangerlussuarmi unnuisarfinnut aningaasaliissuteqarnissap tunngavissaqarnissaanut Arctic Circle Road-ip qulakkeerinninissaa eqqarsaatigalugu, amerikkarmiut 1993-sak-kutooqarfimminnik matusinerisa kingornali, Kangerlussuup siunissaa qulassutigineqartu-artarsimavoq. Mittarfiit nutaat illoqarfinni allani sanaartorniarneqartillugit, ukiut tallimakkaarlugit

Namminersorlutik Oqartussat oqartarput Kangerlussuaq matussasoq. Kangerlussuaq ukiut tallimat qaangiunnerini matuneqarnissaannik aningaasaliisartut ernumassuteqassatillugit, illuutitut unnuisarfinnullu akisuunut ukiuni 20-30-ni akilersorneqartussanut aningaasaliinissamat kajumissaataannigilluinnarpoq.

Kangerlussuarmi takornarierinissami immikkullarilluinnartut atorluarneqarput, unnuiffissatigullu Kalaallit Nunaata sinneranut nallersuunneqarsinnaanani. Kangerlussuarmi unnuiffissaasinnaasut tassaanerupput amerikkarmiut barakkikorsuini vandrejhemmiat, piginnittut aningaasaliisutiminnik ukialuit ingerlanerini akilersinnaasaat. Kangerlussuarmi hotel-i ataasinnaavoq, taannalu Namminersorlutik Oqartussanit pigineqarlunilu ingerlanneqarpoq. Taamaalliluni Kangerlussuarmi takornarierinermi atugassarititaasut Kalaallit Nunaanni sumiiffinnut allanut vandrejhemmini inissanut sanilliullugu hotel-ini inissaqarnerusunut nallersuunneqarsinnaanngilaq. Allatut oqaatigalugu takornarierisut siunissamat ungasinnerusumut Kangerlussuarmi aningaasaliinissaanut arlaatigut qulakkeerinninnginnermigut, Kalaallit Nunaat takornarierinermi inminut aavoq. Kangerlussuarmi aningaasaliinartunut Arctic Circle Road siunissamat taamatut qulakkeer-

nissaaq, taamaanneratigullu Kangerlussuarmi hotel-inut ukiuni 25-ni aningaasaliisoqarsimannigisoq aningaasaliisoqalissalluni. Ilutigalugu takornariartartut aningaasaatillisuit avatangiisunullu pitsaassutsimik ilisimaarinnilluartut siunissami Kangerlussualiarniarlutik aalajanger-talerpata, Kangerlussuarmi, nunallu sinnerani atugassarititaasut pitsanngussapput.

Arctic Circle Road-eqarnikkut iluaqutissat annertuut taakku pingasut siuliani taaneqartut ataatsimoorlutik allannguisitsissusaapput, Kalaallit Nunaannilu angallannermi attaveqaatit pillugit suliniutit allat taamak annertutigisumik iluaqutissartaqanngillat. Mittarfiit aqqissuuteqqinnissaat pillugu Kalaallit Nunaanni partiit akornanni, nunap immikkoortortaasa akornanni, suliffeqarfiit akornanni, illoqarfiit akornanni, innuttaasullu akornanni akerleriissutaasup ersarissumik takutipppaa, angallannermi attaveqaatit ineriartortinneqarnissaannik siunnersuut allanut iluaqutissiisussatut, allanullu ajoqusiisussatut misigineqartoq. Allat pisinnaaqullugit, allat pilliuteqartariaqarput. Angallannermi attaveqaatinut pioreersunut akornusiisussanngorlugu Arctic Circle Road pilersinniarneqanngilaq, illuatun-gaanili iluaqutissanik annertuunik pingasunik iluaqutissiisalluni.

Inuutissarsiut taama ittoq aningaasaliisartunut tamanut Kalaallit Nunaannut tamarmut soqutiginnilersitsissaaq, aningaasaliisartummi aningaasaliisutitik allanut iluaqutissaallutik, allanullu ajoqusiisallutik sumiiffiit ilaat ajorsartussanngorlugit aalajangiinernit eqqugaassanngitsut ernumassutigissanngimmassuk.





# Takornarialerisut namminersortut Arctic Circle Road-imi unnuiffissanut aningaasaliinerat

Kangerlussuarmi-Sisimiuni takornarissat unnuiffisinnnaasaat missingersorlugu tassaapput

- » Kangerlussuarmi siniffiit 750-it, taakkunannga 170-it Hotel Kangerlussuaq-mi, sinnerilu 580-it vandrehjemmimi
- » Sisimiuni siniffiit 190-it, taakkunannga 148-t Hotel Sisimiut-ni Umiartortut Angerlarsimaffianilu, sinnerilu 42-t vandrehjemmimi/inissiani
- » Kangerlussuup kujataa-tungaani tammajuitsussarsitsiniarluni piniariartitsisarnnut illuaqqami siniffiit arfineq-pingasut
- » Arctic Circle Trail-imi kommunip illuaraataanni arfineq-pingasusuni siniffiit 100-t
- » Kangerlussuarmi aqqusineq sinerlugu inuinnaat illuaraataat, Sisimiunilu illuaqqat takornarialerineri tikikkuminaatsut.

Tammajuitsussarsitsiniarluni piniariartitsisarnnut tunngatillugu illuaqqat akuersissutigineqaqqammersut, sulisut, igasut, angallassisullu saniatigut takornarissanut katillugit 58-inut inissaqartitsillutik illuaqqanik nutaanik arfineq-marlunnik kinguneqassapput. Takornarialerisup immikkut akuersissummik tunineqarnermini illuaqqiornissaa pingaartinneqarpoq, taamaattumillu illuaqqat sanaartorneqanngippata immikkut akuersissummik arsaagaassasut naatsorsuutigisariaqarpoq.

Pilersaarutigineqarluni Arctic Circle Road-ip kingunerisaanik, Kangerlussuarmi Sisimiunilu najukkani takornarialerisut Qeqqata Kommunianut saaffignissuteqarlutik, Arctic Circle Road sinerlugu kiisalu Kangerlussuarmi Sisimiunilu hotel-inik, unnuisarfinnik illuaqqanillu sanaartor-

nissamut periarfissanik apeqquilliinikuupput. Kommunip pilersaarutaa piffissaagallartillugu ingerlanneqarsinnaaniassammat, takornarialerisut pilersaarutaannik kommuni ilisimasaqassalluni soqutigaa, taamaattumillu aqqusineq pilersinneqarpat namminersortut hotel-inut, unnuisarfinnut illuaqqanullu kiisalu paasissutissiivissanut aningaasaliisinnangussapput.

Takornarialerisut borgmesterillu atsiugaani siunniussaqaqarnermik nalunaarutini takornarialerisut pilersaarutaat allattoqarnerkuupput. Aqqusineq piviusunngorpat/piviusunngussappat siniffissanik 838-inik pilersitsinissaminnik takornarialerisut ataatsimoorlutik kissaatigaa. Unammilleqatigiinneq patsisaalluni, takornarialerisut kikkut, sumilu qassinik sanaartortitsiniarnersut paasissutissiisutigineqarsinnaangilaq. Kangerlussuarmi massakkut aqqusiniusunut atatillugu takornarialerisut, Sermersuarmut aqquserngup qanitarisaani Russels gletsjer-imi, Qorlortumi, Sugarloaf-imilu hotel-issanut, unnuisarfissanut illuarassanullu nunaminertani immikkoortinneqaqqammersuni, siniffinnik 386-inik pilersitsinissaminnik kissaatigarpup. Tamatumani saniatigut umiarsualiviup nalaani illuaraqarfimmi illuaqqiornissamut suli inissaqarpoq, 2019-imilu kommunip pilersaarusiorfigineqarneranut tapiliussassatigut, mittarfiup akia-tungaani K kkenfjeld-imi, Kangerlussuarmullu aqquserngup isuani Kellyville-mi hotel-iliorfissanik immikkoortitsisoqassaaq.

Aqqusinissaq pilersinneqarpat Arctic Circle Road-imi takornarialerisut, pingaartumik Tasersuup eqqaani takornarissanut 146-nik siniffissanik pilersitsinissaminnik kissaatigarpup. Kangerlussuup Sisimiunilu akornanni aqqusineq sinerlugu




hotel-inut, unnuisarfinnut illuaqqanullu kommunip pilersaarusiorfigineqarneranut tapiliussassaaq, 2019-imi februaarip qaammataani Qeqqata Kommuniani kommunalbestyrelsianit inaarutaasumik akuersissutigineqarpoq.

Arctic Circle Road pilersinneqarpat, takornarialerisut Sisimiuni Aqqutikitsumilu siniffinnik 306-inik pilersitsissallutik siunertarivaat. Kommunip pilersaarusiorfigineqarneranut tapiliussatigut Sisimiut illoqarfiat ataavartumik ineriartortinneqarpoq, illuatungaani Aqqutikitsumut Ungalliup Qaqqanullu immikkut akuersissutit pillugit kommunip pilersaarusiorfigineqarneranut tapiliussassaaq pillugu 2018-imi novembarip qaammataani kommunalbestyrelsip aalajangiinera tunuliaqutaralugu suliariumannittussarsiuunneqarluni.

Qeqqata Kommuniani ullutsinni takornarialerisut ingerlataanniinaq, takornarialerineri unnuisarfitsigut atugassarititaasuni nutaani siniffissat taaku 838-t pilersinneqassapput. Avataanit aningaasaliisartut assiginnigitsut massakkut takornarialerisut pilersaarutaannut suleqataanisaminnik kissaatigartut imaluunniit siunissami aalajangiisoqarnerisaaq utaqqimaartut saaffignissuteqarnerkuupput.

Siuliani taaneqarlutik siniffissat saniatigut Kangerluarsuk Tullerimi inuinnarnit pigineqarlutik illuararpassuit, Kangerlussuup Sisimiunilu akornanni aqqusiniornikkut tikinneqarsinnaalissapput. Aqqusineq takornarissanut isumannaalissaataassaaq, taamaattumillu illuaqqat taaku attartorneqarsinnaanissaannik ujaruisoqassasoq ilimagineqarpoq. Tamatumani saniatigut Arctic Circle Trail-imi kommunip tamanut atugassiaralugit illuaraatai, imaluunniit minnerpaamik Arctic Circle Road-imi illuaqqat namminersortunngorsallugit Qeqqata Kommuniani eqqarsaatersuuteqarpoq. Ataatsimut isigalugu takornarissat akiliillutik unnuisartut amerlinissaannut tamanna tunngavis-siissaaq





# Arctic Circle Road-imi takornariaqarneq

Issittularluni takornariarnissamat ungasinnera, Issittumilu illoqarfiit imminnut ungasissusaat patsisaalluni, Issittoq takornariarfigissallugu akisulaartukasiuvoq. Takornarissat Issittumi ullormut atortagaat, nunarsuup sinneranur saniliullugu annertenerujuussuvoq.

Island Tourist naapertorlugu, Island-imut takornariap ullormut unnuamullu aningaasat atortagai 2.478 danske koruuniupput. Rambøll-ip "Takornariartitsineq - Mittarfiit ilusaasa allangortinnerisigut ineriartorneq siuarsarnerlu" pillugu nalunaarusiaminni paasissutissiissutigaa, Svalbard-imi atuneq 2.490 norske koruuniusoq, Norge-milu 2.114 norske koruuniusoq.

Assartuussineq pillugu Isumalioqatigiissitap 2011-mi assinganiq oqaatigaa, takornarissat Kalaallit Nunaanni ulluni sisamani takornariaangamik minnerpaamik 9.375 koruuninik, ullormut unnuamullu 2.362,50 koruuninik atuisartut. Siniffinnit taakkunannga 838-usunit affaat takornarissanit atorneqartapata assigiinnassavaa, takornarissat Arctic Circle Road-imiinnerminni ukiut tamaasa 382 mio. koruunit atortassagaat (siniffiit 838 x 50% x 2.500 kr/ullormut unnuamullu x ullut unnuillu 365-it = 382 mio kr.).

Kisianni takornarialerisut pilersaarutaat tamakerlutik piviusunngunngitsoorarsinnaapput. Imaassinnavoq pilersaarutitik aningaasalersorsinnaanngikkaat, imaassinnaavorluunniit unammillertigisaq pilersaarutimi assinginik pilersaaruteqartut paasisimallugu, marluullutik pilersaarutiminnik piviusunngortitsinissaminnut inissaqartitsisorinngitsut.

Takornarialerisut siniffissanik 300-nnarnik pilersitsissappata, nunap immikkoortortaani takornarissat kaaviaartitaat 137 mio. koruuniussapput (siniffiit 300 x 50 % x 2.500 kr/ullormut unnuamullu x ullut unnuillu 365 = 137 mio. kr.).

Assartuussineq pillugu Isumalioqatigiissitap siulittaasua 2010-2012-imi ima najoqqutaqarpoq, takornarissat annertunerusumik atuilernerat, tunisat ataatsimut nalingisa affaat Kalaallit Nunaanni inuiaqatigiinnut tussasut. Siniffiit 838-t takornarialerinerne kaaviaartitanut 382 mio. koruuninik annertusisitsissapput, ukiullu tamaasa tunisat ataatsimut nalingat 191 mio. koruuniussallutik, siniffiillu 300-t 137 mio. koruuninik kaaviaartitsissapput, ukiumullu tunisat ataatsimut nalingat 68,5 mio. koruuninik annertusissalluni. Ilutigalugu takornarialerinerne ukioq naallugu sulisoqarnermi kaaviaartitat 700.000 koruuniuppata, siniffiit 838-uppata sulisut 550-it missaannik amerlanerulissapput, siniffiillu 300-uppata sulisut 200-t missaannik amerlanerulissallutik.

Siniffiit nutaat	Ukiup ulluini 365-ini unnerit procentinngorlugu	Takornarissanut atuneq Kr./døgnimut	Takornarissat nutaat*	Takornarissanut atuneq mio. koruuninngorlugu	Ukiumut tunisat ataatsimut nalingat mio. kr.	Sulisumut ataatsimut kaaviaartitat mio. koruuninngorlugu	Ukiumut sulinerit suliuunniit
838	50%	2.500	38.234	382	191	0,7	546
300	50%	2.500	13.688	137	68,5	0,7	196

\*Takornarissat nutaat = siniffiit nutaat x inissat procentinngorlugit x ullut unnuillu 365-t / takornarissamat ataatsimut ullut unnuillu sisamat.




Kisianni Kangerlussuarmi-Sisimiuni takornarissat nutaarpasuit, nunap immikkoortortaani takornarissanit soqutigineqarluartut kisiisa misigissanngilaat. Soorunalimi Kalaallit Nunaanni sumiiffinnut allanut ingerlaqqikkusussapput.

Ingerlaqqittussat amerlarnepaartaat Ilulissani Kangia UNESCO-llu nunarsuarmioqatigiinnut kingornussassanngortitaa takorusullugit Ilulissiasasat naatsorsuutigineqarpoq.

Assersuutigalugu Nunatta Kujataani UNESCO-p nunarsuarmioqatigiinnut kingornussassanngorteqqammissaanut angalagsagaanni ungasissorjussuummat, siunissami qaninnerusumi Ilulissat saniatigut illoqarfinnut allanut aallartartussat arlaqas-sanngitsut ilisimagineqarpoq. Imaluunniit assersuutigalugu Nuummi, Maniitsumi, Nunattalu Avannaani Ilulissat saniatigut illoqarfinni allani takornarialerinerup ineriartortinneqarnissaa amigaatigineqarluni. Nuummi Ilulissanilu mittarfiit tallillugit mittarfiit nutaamik aqqissuuteqqinneqarnerisigut, Kangerlussuakkoortut Kalaallit Nunaannut tikeriarlutik, Ilulissakut/Nuukkut angerlamut – killormulluunniit – angalasoqarsinnaalerpat, Arctic Circle Road-imut sumiiffinnullu taakkununga marluusunut angalallutik Kalaallit Nunaannut takornariartartunut amerisaataassaaq.

Takornarialerinerne sunniutit <i>Siniffiit 838 / 300</i>	Kalaallit Nunaata Avannaani <i>- Ilulissat Aasiaallu</i>	Ilulissat	Aasiaat	Maniitsoq	Nuuk	Kalaallit Nunaata Kujataa <i>Paamiut ilanngullugu</i>
Ingerlaqqittut %-nngorlugu	1%	35%	3%	2%	8%	1%
Takornarissat nutaat amerlassusaat	137 / 382	4.791 / 13.382	411 / 1.147	274 / 765	1.095 / 3.059	137 / 382
Unnuinerit amerlassusaat	548 / 1.529	19.163 / 53.527	1.643 / 4.588	1.095 / 3.059	4.380 / 12.235	548 / 1.529
Kaaviaartitat mio. kr.	1,4 / 3,8	48 / 134	4,1 / 11,5	2,7 / 7,6	10,9 / 30,6	1,4 / 3,8





# Inuiaqatigiit aningaasaqarnerannut sunniutaasinnaasut

Arctic Circle Road pillugu inuiaqatigiit aningaasaqarnerinut sunniutaasinnaasut pillugu Arctic Circle Business aamma Qeqqata Kommunia misissueqqissaar-nikuuvoq. Inuiaqatigiit aningaasaqarnerinut sunniutaasinnaasut pillugit misissueqqissaarinissami Aningaasaqarnermut Naalakkersuisoqarfiup 2015-imi apriliimi ilitsersuusaa naapertorlugu misissueqqissaarneq suliarineqarpoq. Inuiaqatigiit aningaasaqarnerinut sunniutaasinnaasut pillugit misissueqqissaarinermi siun-nersuusiamut Aningaasaqarnermut Naalakkersuisoqarfik misissueqqissaarinermut nassuiaasiunngikkaluarlutik pingaaruteqarlunnartunik immersuipput.





Killiffik aallaavigalugu tunngaviumik periar-fissaq kiisalu 300-nik 838-nillu siniffissaqartit-siniarluni siuliani nassuiarneqarlutik siunnius-saqarnermik nalunaarutit aallaavigalugit Arctic Circle Road aallaavigalugu periarfissat marluk, misissueqqissaarinermi aallaavigneqarput. Periarfissani taakkunanani marluusuni 50 %-imik atuisoqarnissaanik naatsorsuuteqarneq kiisalu Issittumi takornarissat atuisarnerinik Assartuus-sineq pillugu Isumalioqatigiissitap, nunanilu allani misilittagaat aallaavigneqarput. Tamatumani saniatigut atortussat soorlu neriniartarfik, iser-simaartarfik kiisalu sulisunut atugassarititaasut ilanngullugit siniffiup ataatsip pilersinneqarnis-saa 1,5 mio. koruuninik naleqassasoq ilisima-gineqarpoq. Ilanngullugu takornarialerinermi sulisussat affaasa ineqarnissaannut, affaat ine-qareernissaat naatsorsuutigineqarmat, sanaar-tornissami illumut ataatsimut 2 mio. koruunit ator-neqassasut ilimagineqarpoq. Piffissaliussaq ukiumi 30-ni siviussuseqarpoq, pissarsissutig-i-nissaanillu naatsorsuineri 4 %.

Hotel-it illuaqqallu amerlanerusut sanaartor-neqartillugit, takornarissallu amerlanerusunut takornariartartillugit, nassuiaatigineqartutut inuiaqatigiit aningaasaqarnerinut sunniutissat annertunerupput. Ukiuni siullerni mianersortu-mik naliliilluni Arctic Circle Road 500 mio. ko-ruunit nalinginut sanaartorneqassaaq, soorlut-taaq hotel-it/illuaqqat sulisussanullu inissiassat sanaartorneqassasut. Malitsigisaanik siniffiit 300-inik ilaneqarnerisigut takornarissat amer-linerisigut ilanngaattissat ilanngaatigereerlugit

ukiumut 177 mio. koruuninik, siniffinnullu 838-nut 492 mio. koruuninik isertitaqartalernissaq-sioqqullugu, tamanna ukiuni siullerni pisortanut namminersortunullu annertuumik aningaasar-tuutaassaaq.

Aqqusinniortoqarneratigut siniffiit 300-tillugit aningaasartuutissat agguataarneqarnissaanni inuiaqatigiit aningaasaqarnerisa sunniutissat ullutsinni nalinga aallaavigalugu 528 mio. ko-ruuninut (uani akileraarutitigut annaasassat 15 % aallaavigaanni, takuuk Aningaasaqarnermut Naalakkersuisoqarfiup ilitsersuusaa), aqqu-sinermik ingerlatsinermut 100 mio. koruunit, hotel-iliornissamut 408 mio. koruunit, hotel-inut aningaasaleeqqinnissamut 218 mio. koruunit, takornarissanut atugassaarititaasussanut allanut 231 mio. koruunit, sulisullu ineqarnissaannut 354 mio. koruunit ator-neqassasut naatsor-suutigineqarpoq. Isertitassat qiviassagutsigit pingaartumik aqqusineq sinerlugu takornariar-tartussat nutaat 1.987 mio. koruunit, Kalaallit Nunaannilu nunap immikkoortortaannut allanut ingerlaqqittunit 993 mio. koruunit annertumik isertinneqartallissapput. Massakkut timmi-sartuussilluni angallassisarneq aqqusiner-mut nuutsinneqarpat, inuiaqatigiit aningaasaqarneri-nut annikitsuinnarmik iluanaarutaalluni missin-gersorlugu ilaasunut 89 mio. koruuniussaaq, angallassinermullu 43 mio. koruuniussalluni. Taamaalliluni assartuineri iluanaarutit anner-tuumik sunniutaasussaannigillat. Takornariar-tussanukua nutaat inuiaqatigiit aningaasaqar-nermikkut iluanaarutigisussaagaat.

Ullutsinni nalinga aallaavigalugu inuiaqatigiit aningaasaqarnerinut sunniutissaasa naatsor-sorneqarnerini piffissap ingerlanerani aningaas-at ikiliartulissapput, kisianni ukiuni siullerni pingasuni aningaasaliussutissat, kingornalu 300-nut sanilliullugu 838-nik siniffissaqartitsilluni hotel-inik illuaqqanillu sanaartortoqassatil-lugu isertinneqartussat annertunerussallutik. 300-nik siniffissaqartitsinikkut ullutsinni nalinga aallaavigalugu ukiunut 30-nut siammarlugu ataatsimut 1,2 mia. koruuninut (titarneq atasuin-aq), 838-nullu siniffinnut 4,4 mia. koruuninut (toorneeqqanik titarniliaq) naatsorsorneqarpoq.





# Arctic Circle Road misissueqqissaarinerillu allat

Angallanermi attaveqaatinut suliniutinut annertuunut allanut sanilliullugu, Arctic Circle Road-eqalernikkut assartuineq kisimi akikillissusaanngimmat inuiaqatigiit aningaasaqarnerinut sunniutissat annertooujussuupput. Pingaaruteqarnerumik Arctic Circle Road Kangerlussuup Sisimiullu akornanni periarfis-sanik nutaanik aammassinissaa patsisaalluni, aammali ukiuni kingullerni 26-ni Kangerlussuarmi hotel-inut aningaasaliinissami qulakkeerinnitoqarsinnaasimanginnerata kingunerisaanik takornarisanik amerlanerulersitsissaaq.

Nallersuussissagaanni mittarfiit ataatsimut pilersaaruseriorfigineqarnissaat pillugu Rambøll-ip Deloitte-llu naatsorsuusiaat naapertorlugu angalasut illoqarfiit ilaannut angalanerini angalassineq kisimi akikinnerulissaaq, naatsorsuutini taakkunanani pingaartumik Kangerlussuup heliport-ingortinneqassappat imaluunniit nunaqarfik matuneqavissappat, Kangerlussuarmut Sisimiullu sunniutaasussat nuanninngitsut eqqarsaatigineqanngillat.

Inuiaqatigiit aningaasaqarnerannut sunniutaasinnaasut	Arctic Circle Road	Mittarfinnik ataatsimut aaqqiinissaq (Rambøll / Deloitte)
Akikinnerusumik assartuineq	+	+ -
Takornarialerinermeri periarfissat nutaat	++	
Kangerlussuarmi hotel-inut aningaasaliissuteqarnissami qulakkeerinninnissamik amigaaqarneq	++	

sanik nutaanik pilersitsillunilu Kangerlussuarmi hotel-inut qulakkeerinnilersitsisussamat. Ataatsimut isigalugu taakku ukiumut 136 mio. koruuninut naatsorsorneqarsinnaapput. Angalassinerup akikinnerulernissaata kingunissaa ajornaatumik immikkut naatsorsorneqarsinnaavoq.


Assinganik Assartuussineq pillugu Isumalioqatigiissitap 2011-mi oqaatigaa, Sisimiut Kangerlussuullu akornanni aqqusinissaq inuiaqatigiit aningaasaqarnerinut immikkut akilersinnaanngitsoq. Assartuussineq pillugu Isumalioqatigiissitap misissueqqissaarinermini, assartuinerimi iluanaarutissat kisiisa immikkut sammissallugit sinaakkutigisimavaa. Taamaalilluni aqqusinerqarnikkut takornarialerinermeri periarfissat nutaat Assartuussineq pillugu Isumalioqatigiissitap isiginiarsimangilai, soorluttaaq aqqusiniornikkut Kangerlussuarmi hotel-inut aningaasaliinissaneq pitsanngoriangaatsiarnissaa Assartuussineq pillugu Isumalioqatigiissitap misissoqqis-saarsimangikkaa.

Aningaasaqarnerikkut ataatsimoortumik kingunissat taakkununga pingasunut erseqqissumik agguataarneqarsinnaanngillat. Takornarialerinnissami periarfissat nutaat aamma Kangerlussuarmi hotel-inut aningaasaliinissamat (annerusumik) qulakkeerinninnissap agguataarneqarnissaat imminnut kalluupput, matumanimi Arctic Circle Road takornarialerinermeri periarfissat

Massakkut ilaasartunit assartuinerinilu ukiumut iluanaarutissat 6 mio. koruuninut 3 mio. koruuninullu naatsorsorneqarsinnaapput. Iluanaarutissat taakku ukiumut ataatsimut 9 mio. koruuniusut ½ mia. koruunit tikillugit sanaartortitsinissami, Arctic Circle Road-illu aserfallatsaaneqarnissaannut ukiumut 6 mio. koruunit atorneqartussanut aningaasaliinissamat naammanngillat. Taamaalilluni nalunaarusiami matumani kisitsisitigut paasissutissat, Assartuussineq pillugu Isumalioqatigiissitap naapertuupput. Assartuussineq pillugu Isumalioqatigiissitap Arctic Circle Road takornarialerinermeri misigisaqarfissatut isiginiarnagu,

Siniffiit nutaat	Aqqusiniorneq	Aqqusiner-mik ingerlatsineq	Siniffiit nutaat	Takornarissamat ataatsimut ullormut atuinerit	Tidshorisont	Isertitat aningaasartuutillu / Erniat
838	4,7 mia. kr.	272 mio. kr.	84	800 kr.	Ukiut 11-t	14,9%
300	1,7 mia. kr.	82 mio. kr.	84	1.287 kr.	Ukiut 14-t	10,9%

Arctic Circle Business-ip Qeqqata Kommuniatalu ammasuunissartik pingaartippaat, kikkullu tamat eqqortuursorisatik nalunaarsorniassamatigut, nalunaarusiatigullu matumunaakkut regneark-i ilanngullugu.



assartuivissaannartut isigalugu misissueqqis-saarisimavoq.




Aningaasaqarnermut Naalakkersuisoqarfiup iiltsersuusaa naapertorlugu Arctic Circle Business-ip aamma Qeqqata Kommuniata mianerissasanik aamma sunnertiassutsimik misissueqqissaarineq ingerlannikuuaat. Pingaarnertut inernilunneqarpoq, Arctic Circle Road Kalaallit Nunaanni inuiaqatigiit aningaasaliinissaanut qajannaatorujussuusoq. Ukiuni 30-ni piffissaliilluni pingaarnertut kisitsisip nalingata killissai eqitsimmi tulliuuttumi takutinneqarput:

# Missingersuutitigut pisortanut kingunissai

Akilaarutitigut isertitat, pingaartumik takornarialerisuni sulisut akilaarutaasa qaffakkiartuinnarnerisigut pisortat missingersuutaat pitsanngoriartortarput. Sanaartorerup nalaani sanaartortut aamma akilaaratasapput. Qeqqata Kommuniani inuit akilaarutaat ima agguataarneqartarput, 26 procentit kommunerisamat, 6 procentit kommuninut ataatsimoortumik akilaarummut, 10 procentillu nunatta karsianut/Namminersorlutik Oqartussanut. Inuit akilaarutaasa saniatigut Namminersorlutik Oqartussat mittarfinnit akilaarutinit, takornarialerinermilu tunisanit akilaarutinit isertitaqartarput.

Arctic Circle Road-ip sanaartorneqarnerani ingerlanneqarneranilu aningaasartuutissat isiginiangikaanni, pisortat isertitaqaannartussaapput. Atasuinarmik titarneq 300-nik siniffeqarnikkut, toornernillu titarneq 838-nik siniffeqarnikkut periarfissaapput.

Aqqusiniorneq, aqqusinermillu ingerlatsineq Namminersorlutik Oqartussat Qeqqata Kommuniatalu assigiimmi aningaasalersoraluarpassuk, pisortani illuatungeriinnut inuiaqatigiit aningaasaqarnerinut kingunissai ima isikkoqassaaq:



Taamaalilluni Namminersorlutik Oqartussat Qeqqata Kommuniatalu iluanaarutissaat missingersuutitigut avikkunikkit, aqqusinermit aningaasaliissuteqarnissaq immiut akilersinnaavoq. Allatigut agguataarinissaq, illuatungeriit isumaqatigininnitigissavaat.



# A/S Arctic Circle Traffic


Qeqqata Kommunianni Kommunalbestyrelsi 2018-imi maajip qaammataani aalajangiivoq, A/S Arctic Circle Traffic pilersissallugu. Qeqqata Kommuniata massakkut angallannermi attaveqaatai siullermik selskabimut ilanngunneqassapput. Sisimiuni talittarfik, Kangerlussuarmilu Sermersuup Kellyville-p akornanni aqquasineq pineqarput.

Qeqqata Kommunianni kommunalbestyrelsip ilutigalugu Namminersorlutik Oqartussat piuaaffigai, Kangerlussuarmi Mittarfik selskabimut piaartumik tunniunneqassasoq. Periarfissatut Kangerlussuarmi Mittarfik A/S Arctic Circle Traffic-imut tunillugu. Malitsigisaanik nunap immikkoortortaani angallannermi attaveqaatit tamarmik A/S Arctic Circle Traffic-imut inissinneqassasut siunertaavoq. Selskabip aamma Arctic Circle Road sanaartussavaa, pigissavaa, ingerlallugulu.

Angallannermi attaveqaatit aallaavigalugit ukiut kingullit pisortat pigisaanik aktieselskabit, pingaartumik Sikuki Nuuk Harbour aamma Kalaallit Airports. Taamaalilluni ilaatigut nunani avannarlerni siunissamat ungasinnerusumut aningaasaliisoqarnissaa, aningaasaliisutillu ingerlanneqarnissaannut piukkunnartunik siulersusooqarnissaa qulakkerniarlugu, angallannermi attaveqaatit selskabinut inissinneqartarnerat assigalugu taamatut pilersitsisoqarpoq. A/S

Umimmak Traffic-ip ingerlatsivigineqarnissaanik pilersaaruteqarluni A/S Umimmak Traffic-imik Sisimiut Kommunia 2006-imi siunnersuuteqarpoq, pilersaarulli taamani sioqutsisimannuatsiarpoq.

Mittarfiup aserfallatsaalineqannginnera, angallannermilu attaveqaatinut aningaasaliissuteqannginnera eqqarsaatigalugu, angallannermi attaveqaatini Kangerlussuarmi Mittarfik siullertut tigusunneqarneranut tunuliaqutaavoq. Mittarfiup asfaltartariaqarnera, mittarfiullu hotel-itaata, ilisimatusartunut hotel-i ilanngullugu aningaasaliisoqannginnera pineqarput. Nuannaarutaasumik ukiuni kingullerni hotel-i aningaasaliiffigineqarpoq, tamannalu hotel-ip aningaasaqarneranut iluaqutaasimaluni. Neriniartarfiimmut nutaamut, ineeqqat nutarterneqarnerinut il.il. aningaasaliisimaneq, aningaasaqarnikkut immikkut akilersinnaasutut isigineqarpoq.



Mittarfimmik asfalterisimannigineq, ataavartumillu aserfallatsaaliisimannigineq Kangerlussuup siunissaanut annertuumik nalornisitsisimapput, matumanilu nutarterneqarnissaanik pisariaqassuseq pillugit Namminersorlutik Oqartussani Naalakkersuisoqarfiit, Namminersorlutik Oqartussat selskabiutai, siunnersortillu tamarmik immikkut nalunaarusiosimallutik. Aqutsisoqannginnera paatsuungatitsillunilu nutarterisariaqarnermut aningaasaliisimallu uninngatitsivoq, soorunalumi innuttaasunut toqqissisimatitsinani.

Danmarks Tekniske Universitet-imi Center For Arktisk Teknologi ukiopassuit ingerlanerini mittarfimmik ilisimatusarnermikkut 2018-imi isummerput, mittarfiup kita-tungaata sinaa eqqaassanngikkaanni mittarfik qeruaannartumik ajornartorsiuteqarnissaa killilerujussuusoq. Amerikkarmiut illersornissaqarfiata Kalaallit Nunaanni mittarfeqarfissatsialaat nassaariinannngilaat. Mittarfimmik atanertuumik aamma sanaartorput.

Angallannermi attaveqaatinik aqutsinerup aktieselskabimut nuunneqarnerisigut, pisariaqartumik aningaasaliisutissat naalakkersuisoqarfiit assigiinngit, namminersorlutik Oqartussallu selskabiisa akornanni pitsaavallaanngitsumik aqunneqarnissaat pinngitsoortinneqassaaq. A/S Arctic Circle Traffic pingaarnertut aktieselskabinnigussasoq, angallannermilu attaveqaatit ataasiakkaat selskabip ataani selskabinut inissinneqassasut naatsorsuutigineqarpoq. Tamatumani saniatigut Namminersorlutik Oqartussat angallannermi attaveqaatinik aqutsinerini nunap immikkoortortaani massakkut sinniisoqanngimmat, najukkami/nunap immikkoortortaani sunniuteqarnissaq apeqquataassaaq. Naalakkersuisoqarfinniunngitsooq, siulersuisuniunngitsooq, qullersaqarfiuniunngitsorlu.

Arctic Circle Business-imik Qeqqata Kommuniannillu suleqateqarnikkut, imaluunniit A/S Arctic Circle Traffic-imi maanngaanniit sinniisoqarnikkut nunap immikkoortortaata pisariaqartitai periarfissailu akuutinneqarnerulissapput. Assersuutigalugu siunniussaqaqarnermik nalunaaruterpaalunni oqaatigineqarlutik Arctic Circle Road-eqarnikkut periarfissarpasuit, ullutsinni angallannermi attaveqaatinik aqutsinerini ersipasinngillat.





# Suleqatigiinnikkut ineriartortitsineq, siunissamullu ungasinnerusumut pilersaaruseriorneq

Nunap immikkoortortaani takornialerinerimi ineriartortitsinissaq pillugu Arctic Circle Business Qeqqata Kommunalu qanimut suleqatigiipput. Arctic Circle Business peqatigiiffinnut ilaasortaanermigut nunap immikkoortortaani suliffeqarfinnut sinniisuvuq, Qeqqata Kommunalbestyrelsi inuiaqatigiinnit qinigaanermigut innuttaasunut sinniisuulluni.



Arctic Circle Business Qeqqata Kommunalu nukittuumik suleqatigiinneq qangaani illi ileqqoraa, matumani Arctic Circle Business ilaatigut nutaaliornianut siunnersuisarpoq, aammali Qeqqata Kommunalbestyrelsi inuiaqatigiinnit qinigaanermigut innuttaasunut sinniisuulluni. Suliassaq una pillugu illuatungeriit qanimut suleqatigiipput, matumani ACB-p siulersuisui Qeqqata Kommunalbestyrelsi politikkikkut ataatsimiititaliai politikkikkut qanimut suleqatigiillutillu, assingani ACB-p allatseqarfia kommunip allafeqarfialu qanimut suleqatigiillutik.

Arctic Circle Business-ip Qeqqata Kommunalu qanimut suleqatigiinnerisa kingunerisaanik, Qeqqata Kommunalbestyrelsi kommunip pilersaaruseriorfigineqarnerani inuutissarsiortit ineriartortinneqarnissaat annertuumik immikkut sammeneqartarpoq, takuuk takornialerinerimi immikkut akuersissutit, nunaannami angallanermi attaveqaatit unnuisarfiillu annertusarneqarnissaat kiisalu inoqarfinni inuutissarsiortitigut

periarfissat nutaarluinnaat, takuuk Kangerlussuarmi issittumi misileraavissaq nassiusalerivissarlu, Sisimiunilu heliporti inuinnarnit pigineqartoq illuaraqarfissarlu pillugit kommunip pilersaaruseriorfigineqarneranut tapiliussarpaalui. Sisimiut illoqarfia ukiorpaalunni aalajangersimasumik aamma ineriartortinneqarpoq.

Sisimiut illoqarfiata avanna-tungaani Akiani innuttaasunut 5.000-inut inissaqartitsilluni pilersaarut 2004-mi naamassineqarpoq, innuttaasullu 10.000-inik amerlisinneqarnissaannut mittarfiup avannamut-kimmut Kangerluarsuk Tulliup pulasariaata tungaanut ineriartortitsinissamut misissuinerit 2007-imi iluatsittumik naamassineqarlutik. Kangerlussuup nunaqarfitaata ineriartortinneqarnissaannut mittarfiup nalaa inissaqarluarpoq, taamaattumillu aqqusineq sinnerlugu hotel-inut, unnuisarfinnut, illuqqanullu nunaminertanik immikkoortitsinissaq manna tikillugu immikkut sammeneqarluni. Taamaakkaluartoq nunaqarfiup Køkkenfjeld-ip tungaanut ineriartortinneqarnissaannut pilersaarutit ukiorpaalunni suliarineqarnikuupput, tamannalu Kangerlussuup, minnerunngitsumillu Sermersuup tungaanut isikkivilinnik sanaartornissamut hotel-inut aningaasaliisartut soqutiginnillutik saaffiginninisa kingorna, ukiut kingullit annerusumik sulissutigineqarnikuulluni.



Ineriartortitsinissamik pilersaarutit taakku piviusunngortinneqarnissaannut Qeqqata Kommunalbestyrelsi aamma Arctic Circle Business sapiissuseqarlutillu piumassuseqartariaqarput, illuatungeriilli qanimut oqaloqatigiit-tarnerat, kommunip pilersaaruseriorfigineqarneranut tapiliussat periarfissanut pisariaqartitanullu akerliullutik pilersaarutit piviusorsiorpalaanngitsunik imaqannginnissaannut qulakkeerineqataavoq. Inuutissarsiortitit soqutigisaat nammassinnaasaallu kiisalu politikkikkut anguniakkat naapertorlugit ataavartumik ineriartortitsinissaq, suleqatigeeriaatsip qulakkeerpaa. Suut tamarmik siullermeernermi iluatsinneq-ajorput, soorlu assersuutigalugu inuilaami unnuisarfiit imaluunniit biilinit misileraavik, kisianni kingu-sinnerusukkut nalinginnaasumik iluatsittarput imaluunniit eqqarsaatigineqaaqqaarneranit allatut ilillugit iluatsittarlutik.

Nunap immikkoortortaani ilinniarfiit pillugit Arctic Circle Business Qeqqata Kommunalu aamma qanimut suleqatigiipput, assersuutigalugu atuartut inuutissarsiortitit ilisimasaasa, ilinniaqqinnissamullu soqutiginninisa annertusineqarnissaanni Arctic Circle Business Kalaallit Nunaanni siuttuvuq. Tamanna VIS-SIV



Qaqisa-milu meeqqat atuarfiisa inuutissarsiortitillu nuna tamakkerlugu CSR-imi suleqatigiinnerisigut kingullermik pivooq. Inuutissarsiortitit ineriartortitsinissami pingaartumik Kalaallit Nunaata Teknikimik Ilinniarfiata (KTI) aamma Center for Arktisk Teknologip (ARTEK) suleqatigiinnerat kinguneqarluarsimavoq.

KTI-mi ARTEK-imilu ilinniartut, ilinniartitsisut professorillu annertuumik annertusaasimapput, Sisimiunilu teknologimik ilinniarfiit ingerlanneqarnissaannut ilisimatusarnermik aallaaveqartunik annertusaasimallutik. Tamatuma kingunerisaanik ilinniartut soqutiginarluinnartunik misissuisimani sanaartortitsinernik kinguneqartarput, soorlu KTI-p, ARTEK-p, ACB-p QK-llu suleqatigiinnerisigut Sisimiuni illu atuinikisoq, ingeniørinnegornianut kollegie, Kalaallit Nunaanni marraaq atorlugu illuliaq pilersinneqarlutik. Tassunga kingullertut assersuunneqarsinnaasoq tassavoq Sisimiuni qaarsup iluani naluttarfissaq, tassungalu atatillugu qaarsuni sanaartortarnerni sanaartoriaatsit assignngitsut, sumiiffiginasailu assignngitsut ARTEK-imi ingeniørinnegorniat misissornikuuaat, aatsitassalerinermilu ilinniartut qaarsuni inissisimaffiginnaasaani misissugassanik tiguisarsimallutik. Taamatut



suleqatigiissuseqarusussuseqarneq avataani suleqatigisanit, nunallu immikkoortortaata avataani aningaasaateqarfinit suliniutinut taama ittunut tapersersuisartunit maluginiarneqanngitsuunngilaq. ARTEK-imi ilinniartut nalunaarsiarpassui uani tamanit takuneqarsinnaapput: <http://find.artek.byg.dtu.dk/pubs/frontpage/>

KTI-p, ARTEK-ip, ACB-p QK-llu akornanni qanimut suleqatigiinnermi, nunaannami ineriartortitsinissaq aamma qanimut suleqatigiissutigineqarpoq. Nukissiuutit eqqarsaatigissagaanni ilinniartut Nukissiorfiit Kommunilu suleqatigalugit periarfissat assignngitsorpasuit, matumani soorunalimi nunap immikkoortortaani erngup nukingamik nukissiuuteqarnissami periarfissarpasuit, aammali seqerngup qinggornera, anori kiisalu tinittarnerup ulittarnerullu nukingi atorlugu nukissiuutaasinnaat misissornikuuaat.

KTI-mi ARTEK-imilu ilinniartut pingaartumik Arctic Circle Road misissuiffiginikuuaa, tamatumalu kingunerisaanik aqqusinniassami assignngitsorpasuit pillugit annertuumik ilisimasaqalertoqarluni. Najukkami suliffeqarfiit ilisimasaminik, atortuutiminnillu ilinniartunut atugassinermikkut, misissuinerit tapersersuipput. Ilinniarfinnut taamatut tapersersuinerup suleqateqarnerullu

kingunerisaanik, aqqusinnissap ingerlaarfissaani assignngitsuni avatangiisitigut unammillernartussat, sanaartornermi atortussanut soorlu ujaraqqat sioqqallu, itsarnitsanik nassaat il.il. misissoqqissaarneqarput, soorluttaaq ajornartorsiutaaratarsinnaasunut aqqusissutissat nassaarineqartut. Ilisimasat najukkami akuutitsinikkut annertusiniukuupput.

Najukkami akuutitsineq inuutissarsiortitigut/ aningaasaliisartunik, aningaasaateqarfinnik il.il. avataani suleqatigisanut ammasuunissamut aamma aallaaviuvoq. Nunap immikkoortortaani inuutissarsiortit ineriartortitsinissami pitsaasunik sinaakkuteqarnermik maluginnissimasunit inuutissarsiortit, ACB, Kommunilu aningaasaliisartunit arlalinnit saaffigineqartarput.



"Kiffaanngissuseqalernissamut aqut. Akimmiffissaqarani angalasinnaaneq, isumannik paarlaasseqatigiissinnaaneq iliuuseqarsinnaanerlu kiffaanngissusiuvoq. Sinerissami illoqarfiit, nunarsuattalu akornanni angalanissami Sisimut Kangerlussuullu akornanni aqqusineq qaninnerpaavoq. Kangerlussuup Kalaallit Nunaat Asiamut, Amerikkap avannaanut Europamullu toqqaannartumik attavinitssinnaavaa. Aqqusineq isumannaatsoq, sumiiffimmiillu sumiiffimmut tassuugu apuut-sitsisinnaalluni aalisakkanik qalerualinnillu nutaanik avammut nioqquteqarnissamut ammaassis-saaq, takornarissat Kalaallit Nunaannut takornariarnerminni alakkaapallannissaannut periarfissaqalersissavai, najugaqavissullu Nunarsuarmut toqqaannartumik attaveqalersissallugit."

*Professor Minik Rosing:*

"Nunatarujussuup tikinneqarsinnaanera annertusiuk, assartuinermilu akimmiffik peerlugu. Sisi-miunut aqqusineq sanaartorli. Kangerlussuarmi sulinissaq ilungersunarsivallaassappat ilimagi-vara amerikkarmiut Thule-mut nuussasut (uagullu pinngitsaalisalluta malinnatinneqassaagut). Tamanna kaaviiartitatigut isertitatigullu annertuumik annasaqarfiussaaq."

*Professor Jørgen Peder Steffensen*

"Kangerlussup Sisimiullu akornanni aqqusineq, Kalaallit Nunaanni aningaasaliisarnerni aatsaat taamak pitsaatigisumik aningaasaliisoqassaaq. Ineriartortitsinissamut aqqusineq periarfissa-qarpassuaqartitsissaaq."

*Air Greenland-imi pisortaanerunikoq Finn Øelund*

"Aqqusineq qularnanngitsumik umiarsuaateqarfirmut pitsaasumik kinguneqassaaq, sumiif-fiullu ineriartortinneqarneranut sukkatsisaataalluni."

*RAL-imi pisortaanerunikoq Jens Andersen*

"Kangerlussuup Sisimiullu akornanni aqqusineq assartuineq eqqarsaatigalugu annertuumik soqutiginarpoq. Kalaallit Nunaannut tamarmut ataqatigiissitsilerluni, attaveqalernissamut aqqusineq periarfissaqalersitsissaaq. Ilutigalugu takornarialerinerup ineriartortinneqarnissaa-nut aqqusineq periarfissagissaartitsilissaaq, taamaalillunilu isertitaqaataassalluni."

*AUL-imi pisortaanikoq Stig Bendtsen*